



सानसेयारि बड'सा

सानसेयारि 'बड'सा' खरौंलाइयाव
स्माज्यादि जिज्जो लोब्बा थानाय रायथाय, बन्ध्याय,
सल', सल'बाथा आरु बावबायारि थावनि, पार्क
बाइदिनि स्यायाव लिन्नाय लिन्नाय दिशाय ठरु!
सानसेयारि 'बड'सा' खरौंलाइया खेबखानानै
फोसावगेल।
बड'सायाव लिन्नायनि हुबा खालाम,
'बड'सा' खरौं नोथां, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिदिसि-783370
Website: www.bodosanewspaper.com

BODOSA ★ A Bodo News Daily ★ Friday ★ 5 April, 2024 Kokrajhar, BTC, Assam ★ Vol.- 34, Issue No. 12 ★ R.N.I. Regd.No. 40994/91, Assam Govt. Regd.No. IPRD.40/2006/3, ★ Rs.8/-

दर-उदालगुरि बियाबआव दिलिप शइकियाआ बिजाथिलाइ गथायबाय

आसामआव मदिनि गैरेन्टिजों लोगोसे मामानि गैरेन्टियासो सोलिगोन : गिबि मन्थि

उदालगुरि, 4 एप्रिल: राज्जोनि नैथि खोलोबनि बिसायख'थिनि बिजाथिलाइ गथायनार्यनि अक्टआ दिनें जोबथा सानमोन। जोबथा सानाव दर-उदालगुरि लकसभा बियाबनि थाखाय सा 5 बिजाथिफोरा बिजाथिलाइ गथायनार्यखौ नुनो मोन्दें। बेनि गेजेराव मख'जाथावसिन महरे एनडिएनि हेफाजाव होजानाय बिजाथि दिलिप शइकिया।

(□ 5 बिलाइआव)



कक्राझार लकसभा बियाबाव नब' कुमार शरनियाआ बिसायख'थि गेलेनो मोन्नाय नलिया : जनकलाल

कक्राझा, 4 एप्रिल: 10 बेसोर सम नब' कुमार शरनियाआ कक्राझार लक सभा बियाबआव एमपि महरे दखल खालामनार्यनि उनाव बे खेबावबो एमपिनि मासिखौ आवग्रिनो थाखाय बिसायख'थि गेलेनो थियारि जादोंमोनब्लाबो नाथाय बे खेबाव बिसायखनथि गेलेनो हानाय नलिया। मख'नो गोनादि, नब' कुमार शरनियानि एसटिनि नंखाय फोरमान बिलाय आयदाखौ लानानै गुवाहाटी गोर्जो बिजिससालिनि सासे बिजिरगिरिआ होनाय दोनथ'नाय रायदानखौ गुवाहाटी गोर्जो बिजिससालिनि खोन्दो बिजिरगिरिआ बोखारबाय। मख'नो



गोनादि, राज्जोआरि थाखोनि स्कुटिनि आफादआ थानाय 20 जानुवरीआव एमपि नब' कुमार शरनियाआ बर' कछरी एबा एसटि नउ होनानै रोखा खालामनानै होदोंमोन। नाथाय बेनि उनावबो नब' कुमार शरनियारिआ फिन आर'ज खालामनानै थानाय 27 मार्चआव गुवाहाटी गोर्जो बिजिससालिनि सासे सोद्रोमानि ट्रिबुनेलआ नब' कुमार शरनियानि एसटि फोरमान बिलाइनि आयदाखौ दोनथ'नो रायदान होदोंमोन। जाउनाव नब' कुमार शरनियाआ फिन कक्राझार दखल

(□ 5 बिलाइआव)

असम गन' परिषदआ गसाइगावआव जिल्ला थाखोनि मावख' बेखेवदों

गसाइगाव, 4 एप्रिल: फेगौ लकसभा बियाबनि बिसायख'थिखौ लाना राजखान्थि दोलोफोरनि गेजेराव बिसायख'थियारि हाबाफारिखौ लाना होंगो-दोंगो जानायखौ नुनो मोन्दें। दिनें 1 नं. कक्राझार लकसभा बियाबनि बेखनाव थानाय गसाइगावआव आसाम गन' परिषदनि गसाइगाव जिल्ला आफादनि मावख'खौ दोलोनि मिरु मावफुं आफादनि सोद्रोमा रहेन रायआ बेखेवनानै होनायखौ नुनो मोन्दें। मावख'खौ बेखेवना होनानै रहेन रायआ गवनि बिबुथियाव 1 नं. कक्राझार लकसभा बियाबनि एनडिएनि गनायथि मोन्नाय बिजाथि जयन्त बसुमतारिनि जानानै हेफाजावयारि दोलो आसाम गन' परिषदआवो नख'र-नख'र थानानै फोसावदिनाय हाबाफारि सामलायगोन आरु बसुमतारिखौ गोबां भटनि फारगथियाव देरहाहोरनो नाजागोन होना फोरमायो। हाबाफारियाव दोलोनि फिर्फलाखौ बिखोखोनार्यनि उनाव एजिपिनि गसाइगाव जिल्ला आफादनि आफादगिरि निकलाज



(□ 5 बिलाइआव)

बिटिसि बिसायख'थियाव जेनग्रा बिजाथिया लकसभानि बिसायख'थियाव देरहानायनि मिजिं थाया : जयन्त



काजलगाव, 4 एप्रिल: 1 नं कक्राझार लकसभा बियाबनि एनडिएनि बिजाथि जयन्त बसुमतारिखौ गोबां भटआव देरहा

होनो थाखाय सिदली बियाबनि दैदेनगिरिफोरा गोर्जो खामानि मावगासिनो दं। दिनेंबो बिजाथि जयन्त बसुमतारिखौ 19 नं सिदली

चिरां बियाबआव गवनि दोलोनि मावथिफोरा बरायनार्यजों लोगोसे मोनसे गुवारै सावरायलायनाय

(□ 5 बिलाइआव)

समेस उदिनखौ बरपेटा लकसभा बियाबनिफ्राय बिपिएफनि बिजाथि फसंबाय

कक्राझार, 4 एप्रिल: "जोंनो रवनिबो हेफाजाव नाइ, हारिसिनो बिसायख'थि गेलेगोन। कक्राझार आरु दर-उदालगुरि लक सभा बियाबनि बिसायख'थिनि दावहाया नोजोर बोथावना जागोन।" बिपिएफ दोलोनि आफादगिरि आरु बिटिसिनि बारा' गाहाइ खुगिरि हाग्रामा महिलारीआ हारिसिडे बिसायख'थि गेलेनार्यनि थांखियाव गोर्जो गसंथानानै बे बाथाखौ बुडो। मख'नो गोनादि, दिनें कक्राझार सहराव थानाय बिपिएफनि मिरु आफादनि मावखुलियाव मिरु आरि



बिसायख'थि सामब्लाय आफादनि मावखुलि बेखेवनार्यनि उनाव खौरगिरि मेल खुनानै बेनि सोमोन्दे

रोखा खालामनानै होनायजों लोगोसे बरपेटा बियाबनि बिपिएफ दोलोनि

(□ 5 बिलाइआव)

गिबि मन्थि रू हिमन्त विश्व शर्मानि हेँथायै मानहानि केस थिसन्दों

गुवाहाटी, 4 एप्रिल: माखासे साननि उनाव खुंजानो गोनां भारतनि सरासनस्त्रा एबा सुबुं आफाद बिसायख'थिआव राजखान्थि दोलोफोरा गोबां सुबुं गोमा, लामा हान्जा सुरनाय, बायदि हाबाफारि खुंनानै गाव-गावसोरनि दोलोखौ देरहाहोनो मुं सुलायनाय, जौगाखांहोनार्य आरु राज्जो-राजाफोरखौ मोलाम्फा मोनहोनार्यनि बिबुथि होनायखौ नुनो मोन्नाय जादों। फासंथि बे आयदायवोनो आसामनि गिबि

(□ 5 बिलाइआव)

रांनि उन-उन खारफानायानो भुपेन बरानि खामानि: पियुष हाजरिका

गुवाहाटी, 4 एप्रिल: कंग्रेसनि आफादगिरि भुपेन बराआ इसोरनि खाथियाव रांनि थाखाय आर'ज खालामो। सानफाथोलो रांनि बाथ्राल' सानबाय थायो। रुपहिहाटयाव खौरगिरिफोरनि सिगाडाव मन्थि हाजरिकाआ बेबायदिनो बिबुथि लाखिनार्यखौ नुनो मोन्दें। मन्थिआ फोरमाय बावनाय बायदिदला, भुपेन बराया दोलोनि टिकेट होनायनि मुझव रां सान्दा लायो। गुबुन सुबुंफोरा न'निफ्राय ऑखारनाय लोगो-लोगोनो गाहामै-गाहामोन न'आव



सौफे फिनथों होना इसोरनि खाथियाव आर'ज खालामो। नाथाय भुपेन बराया सानसेनि गेजेराव बवेयाव रां मोनगोन

बेखौसो आर'ज खालामो होना अजद देखांनार्यखौ नुनो मोन्दें।

(□ 5 बिलाइआव)

1 नं कक्राझार लकसभा बियाबाव एनडिएनि बिजाथिया 5 लाखनिबो बांसिन भट मोन्नाय देरहासात जागोन: रेव रेवा

गसाइगाव, 4 एप्रिल: बिसायख'थिया खाथिनियथि खाथि सफेनाय लोगो-लोगो गुबुन गुबुन राजखान्थि हान्जाफोरा गोर्जोनिफ्राय गोर्जोसिन बि स। य ख'थि यारि फोसावदिनायखौ नुनो मोनाय जादों। बिबिदोनो दिनें इडिपिपेल, बिजेपि, एजिपि, (एनडिए) हान्जाआ एनडिएनि बिजाथिखौ देरहासात खालामनाय थांखिजों आरु राज्जो-राजा सरासनस्त्रा सुबुंफोरखौ मिथिसार होनाय



थांखिजों खमैब्लाबो 600 निबो गोबां मथर सायकेल लानानै 2 नं दतमा बियाबनि सिडव थानाय जलेस्वरि गेवलां गेलेग्रा फोथारनिफ्राय लानानै कसुगाव, गान्धारबिल, भावगुरि जानानै रामफलबिलसिम मथर सायकेल रेलि खालामनार्यखौ नुनो मोन्दें। मख'नो गोनादि बे मथर सायकेल रेलिखौ 1 नं गसाइगाव बिधान

(□ 5 बिलाइआव)

गसाइगावआव हाग्रानि मैदरा उदाई गिदिथिनायखौ गिखांदों

गसाइगाव, 4 एप्रिल: रायमना माहारियायि पार्क'निफ्राय ऑखारबोनार्य माखासे हाग्रानि मैदरा गसाइगाव ओन्सोलयाव गिखंथाव थासारि सोमजिहोनार्यनि खौरां मोन्नाय जादों। हाग्रानि मैदरा जाग्रा आदार नागिरनानै रायमना माहारियायि पार्क'निफ्राय ऑखारबोना गसाइगाव महकुमानि सालजुरि गामियाव उतखार खालामफेनार्यनि खौरां मोन्नाय जादों। गिखंथाव थासारिनि गेजेरावब्लाबो ओन्सोलनि राज्जोफोरा हाग्रानि मैदरखौ नायनोसो होंगो-दोंगो

(□ 5 बिलाइआव)

पुलिस बिबानगिरि जनमनि राभानि जिउ गोमानायजों लोब्बा थानाय केस थिसन्नायखौ बिमाया बोखारबाय

गुवाहाटी, 4 एप्रिल: आसाम पुलिसनि लें'डाइ नायसंगिरि (एसआइ) जनमनि राभानि जिउ गोमानाय 1 बोसोरसोनि उनाव नगावनि जख्खाबन्दा थानायय थिसन्नाय केसखौ बिमाया बोखारनानै लाबाय होना मिबथिनो मोन्नाय जादों। केसखौ बोखारनाय समाव विथाडा मख'दोंदि, गाव केसखौ आरुबाव सिगांलाहोनो हानाय नंला। पुलिस बिबानगिरिनि बिमाया केस थिसन्नाय 87/23 नं



केसआव बै समनि मावबिबान समाव नगावआव थिसनजानाय माखासे पुलिस बिबानगिरिनि मुंआ सन्देह खालामजानाय महराव

मख'नाय जादोंमोन। मख'नो गोनादि, जनमनि राभानि जिउ गोमानायजों लोब्बा थानाय केसफोरखौ फिसिआइआ संदानबाय थादोंमोन। बेनि सिगां राभानि जिउ गोमानाय जाब बथायनि जाहोनावसो सोमजिदों होन्नानै थांखि लाजादोंमोन। पुलिस बिबानगिरिनि जिउ गोमानाय हराव गुबैयै मा जादोंमोन बेनि सोमोन्देबो जरखायै रोखा फोरमायथि मोन्नाय जायासै।

इउबिपिअया लकसभा बिसायख'थियाव एनडिए जुथाय हान्जानि बिजाथिखौ हेफाजाव होनो थांखि फोसावबाय

गुवाहाटी, 4 एप्रिल: बिटिआरनि बायहानि बर'फोरनि जौगाथायनि सार्थआव बिजेपि जुथाय हान्जानि बिजाथिनो खुंनो गोनां लक सभा बिसायख'थियाव हेफाजाव होनो थांखि लादों होन्नानै खौसेथि बर'सुबुं आफादआ दिनें गंसि रदाव बिबुंसारनि गेजेरजों फोरमायहरदों। खौसेथि बर'सुबुं आफादनि आफादगिरि आरु गाहाइ नेहाथारि फारियै मनुस्जन बुमतारि आरु पिताम्बर ब्रहमआ मुसाय होनाय रदाव बिबुंसारआव फोस्मायदोंदि, भारत उदोसि समनिफ्रायनो बर'पोरा राजखान्थियारि, रांखान्थि-

समाजारि, सोलौंथाइयारि, हारिमुवारि, हानि मोन्थायनि थाखाय गोलाव समनिफ्राय जुजिबोदों। गोलाव सम आलादा बड'लेण्ड राज्जो दानो जुजिनार्यनि उनाव खेबथाम बर' गोजोन गोरोबथाआ दासान्दि मावफुंजादों। 2003 माइथायाव बिटिसि गोरोबथा खादोंमोनब्लाबो आफां आसामनि बुलुंखुथुरनि साहा फासं दरेखे जिल्लाखौ लानानै बिटिएडि दाफुंनार्यनि जाउनाव आसामनि माखासे जिल्लायाव जिउ खुंनोना 10 लाखनिबो बांसिन बर'सुबुंफोरनि जौगाथायनि थाखाय बिटिएडिनि आथानि बायहयाव थालादोंमोन।

गोलाव सम सोमावसारनायनि फिथाइ महरे उननि समाव मिरु आरु राज्जो सरकारजों एनडिएफबिनि मोनरे हान्जा, एबसु आरु इडिबिपिअनि गेजेराव थामथि बर' गोजोन गोरोबथाखौ 2020 माइथायनि 27 जानुवरीआव गोदान दिल्लीयाव मावफुंजायो। बे गोरोबथानि दफाफोरखौ थाबैनो मावफुंनार्यजों लोगोसे बिटिआरनि बायहयाव थानाय बर'मैखेम ओन्सोलनि फारफामबो दिगनि जौगाथायनि थाखाय गोर्जोयै राजखान्थियारि, रांखान्थि-समाजारि, सोलौंथाइयारि, (□ 5 बिलाइआव)

बाक्सा जिल्ला जौ हमग्रा बिफानआ 500 कार्टुननिखुइबो बांसिन जौ हमदों



तामुलपुर, 4 एप्रिल: तामुलपुर जिल्ला सदरनि सौरगुरियाव बाक्सा जिल्ला जौ हमग्रा बिफानआ डिबि जौ दखानाव सिग्रोमनाय हाबाफारि सामलायनार्यखौ नुनो मोन्दें। मख'नो गोनादि, जौ हमग्रा बिफानआ थानाय 10 मार्चनि मोनायवबो

(□ 5 बिलाइआव)

बासुगाव दख'रा रंजालि बैसागु फालिनो साखा-फारा

देंखोगिरि अपुर्ब बेजबरुवाआ बाहागो लाफैगोन

बासुगाव, 4 एप्रिल: बासुगाव सोहोराव थानाय मिलन संघआ हिराथि माइथाय फोर्बोंजों लोब्बा लाखिनानै आसामनि माहारियायि फोर्बोंखौ गुबुन गुबुन रंगिना-संगिना हाबाफारिनि गेजेरजों फालिनो साखा-फारा जानायखौ नुनो मोन्दें। फेगौ 13, 14, 15 आरु 16 एप्रिल (30 चैत्र, 1, 2 आरु 3 बैसाग) अक्टयाव सानब्रेनि मेहेर गोनां हाबाफारिजों फालिनो थांखि लानायखौ नुनो मोन्दें। लाइमोन समाज सिबियारि, बयजोंबो अन्सायजानाय देंखोगिरि गुनत्यम

(□ 5 बिलाइआव)

कुमारिकातायाव गंनै गारिजों लोगोसे बेसेन गोसा दंफां हमदों

तामुलपुर, 4 एप्रिल: तामुलपुर जिल्लानि कुमारिकाता हाग्रा खोन्देयारि मावख'नि बेखनयाव मोनानि समाव गंनै गारिजों लोगोसे गोबां बेसेन गोसा दंफांफोरखौ हमनो हादों होना खौरां मोन्नाय जादों। मिबथिनो मोन्नाय बायदिदला मोनानि समाव सिखावयै गंनै मुवा-बेसाद रोगाग्रा डिवाइ भेनयाव सारिभेल्लानि लामाजों तामुलपुर फारसे माखासे बेसेन गोसा दंफांफोरखौ लाना थांगासिनो दडमोन। मोनसे सोद सुलुनिफ्राय



खौरां मोनानै सिमायाव थानाय 24 नं. एसएसबिनि हान्जा आरु हाग्रा बिफानानि मावफारियाफोरा नायबिजिसनार्यनि गेजेरजों बे गंनै

गारिखौ हमनो हादोंब्लाबो गारि गंनैयाव थानाय दंफां फलगां गिरि आरु सालायगिरिखौ हमनो हायाखे होना मिबथिनो मोन्नाय जादों। बोखांनो

हानाय गारि गंनैनि नम्बर एएस 28 एस 0565 आरु एस 01 किउ सि 4208। बोखांनो हानाय दंफानि थुखाजों बुंफनार्य गंनै गारिखौ कुमारिकाता हाग्रा खोन्देयाव लाखिनानै हाग्रा आइनि सिडव गसर रूखु खालामनानै जिल्ला हाग्रा बिबानगिरिनि मावख'याव गोर्जो रहा लानो थाखाय कुमारिकाता हाग्रा बिफानआ दैथायहरबाय। बोखांनो हानाय दंफानि बेसेनखौ 1 खावसे लाखसो जागोन होना हाग्रा बिफानआ मिबथिहोंदों।

सुजुगिरिनि खोलोम

सोलोनायजों सांग्रांथि

सुबुड रोडेखौ सोलोनानै मिबथिनो हायो, मावने हायैखौ नाजानानै आरो नुफेरैखौ नायनानै सोलोनो हायो। जायनि थाखाय सुबुफोर गोदान गोदान आदोब, राहा बाहायनानै, सोलोनानै बाइदिसिना रोखोमनि सिगांफोरख नुफेरै, मिबथियै आरो स्वाद मोनफेरै फिथाइ-सामथाय, मैंग-थाइंगं गायनानै जानो गोरों जाबाय। सुबुफोर सोलोनानै मोनजानायजों लोगोसे रंखावरि आर्जिनायनिबो राहा-लामा मोनो हानाय जाबाय। फिथाइ-सामथाय, मैंग-थाइंगंफोरल'नड, आबादखौ माबोरं मावयोब्ला गोबां फिथाइ मोनो हागौ बेखौबो सोलोनो, मावने हानाय जाबाय। आबाद फसलफोरजों लोगोसे दाव-अमा, बोसमा-मोसोफोरनि गिदिर-फिसा फार्म गायसन्नानै बेदर-बिदै, गाइखेर दिहुन्नानै जानो हानायजों लोगोसे फान्नानै मुलाम्फा गोनां फालांगिबो खालामनो दानि समाव सुबुफोर सोलोनानै मावने हानाय जाबाय। सिगांफोर समाव गोनोखोथारि दिहुन्थाय आइजें-आइला गैथैन थाखाय सुबुफोर गुबुननिखौ नायनानै सोलोनानयनि खाबु मोनो हायामोन।

आथिखाल गोनोखोथारि दिहुन्थायफोर जेसेबांनो बांनो हमदों, एसेबांनो सुबुफोरनि गेजेराव रोडेखौ सोलोनो, मिबथियैखौ मिबथिनो, मावने हायैखौ मावने हानायनि राहा खाबु फेबाय। मेगन फिदिव्बानो आसि थुयोब्लानो सानश्रोब-हरश्रोब मुलुगनाडे सोमजिनय बाइदिसिना जाथायनि खौरंफोरजों लोगोसे खानाय-बानाय गेलेनाय, रंजानायनि खौरंखौ न'आव जिगयनानै मोनो हानाय जाबाय। मोजांजों लोगोसे गात्रियाबो थाफादेरो होन्नाय बादिनो मोजां खौरंजों लोगोसे गात्रि खौरं मोन्नाय बादिनो मोजां-गात्रिखौबो सोलोनानयनि गबनं थाबाय समाजआरि बिजोंफोरख। अदेबानि मोजाडव फैनय आरो गात्रि लामायाव थानाया सुबुनि गोसो जानायनि सायावसो सोनारो। गात्रिनि अनगयै मोजांखौ सायख'नानै लानो रोडेब्ला समाजआरि बिजोंनि गेजेरजोंबो मिबथियैखौ मिबथिनो, रोडेखो सोलोनो आरो हायैखौ मावफुनो लामा मोन्नायखायनो दिने समाजआरि बिजोंफोरख फोसावनाय आबाद फसल मावनाय, बाइदिसिना जाथोनि फिथाइ-सामथायनि बागान खालामनाय, मैंग-थाइंगं गायनाय, दाव-अमानि फार्म गायसन्नानै दावदे आरो बेदर दिहुन्नाय, बोसमा-मोसो फिसिनानै गाइखेर दिहुन्नायनि आदोबफोर सोलोनानै थानानै थानायनि लामा मोनो हानाय जादों सुबुफोर। सोलोनानयजों लोगोसे सांग्रांथिनिबो गोनांथि जायो। सांग्रांथि गैथाब्लानो मोजांजों लोगोसे गात्रियासो गोखौसिन जालानो लामा मोनो। सोलोनानयजों मुलाम्फा फैनया दाबसे-दाबनै ओन्सोल आरो राइज्योआवल' सिमना जानानै थायाखै। मुलुगनाडेनो दाबसेया गुबुन दाबसेनिखौ मिबथिनो राहा फेदों। दानिसेनि गेजेरवने मुलुगनि बबे हादतआव मा जाथाय सोमजिदों बेफोरनि खौरंखौ लोगो लोगोनो मोनो हादों समाजआरि बिजोंनि हेफाजाबै।

मैयासो ताइवानआ गिखंथाव महैर बांनि मावनाय आरो बेनि गोहोम आरो खहाफोरखौ बे समाजआरि बिजोंनि हेफाजाबे दानिसे समनि गेजेरवने मोनफुनो हानाय जादों। समाजआरि बिजोंनि थाखायनो दासान्दि सोलिगासिनो थानाय 18 थि सुबु आफाद बिसायख'थिनि बाइदिसिना खौरंफोरखौ लोगो लोगोनो सुबुफोर न'आव जिगयनानैने दैनेगिरिफोरनि फोसावदिनाय खौरं मोनो हानाय जादों। मोजां-गात्रि मोनैखौबो सोलोनो हानायाव गोलै राहा खाबु थानाय बादिनो नंखाय खौरं, बांसावनाय आरो बिबयानाय खौरंफोरखौबो बिसायख'थि बोथोरख सम सम फोसावनाय नुनो मोन्नाया जाथावै नड। बिसायख'थि बोथोरल'नड खैसर सानानै गावनि मुलाम्फा लुथिया सुबुफोर समाजआरि बिजोंनि गेजेरजों समाजनि खहा गोनां खामानिफोरखो बाहायनायनि सम सम अजद मोनो हानाय जायो। सोलिफु दानि फैगौ 19 एप्रिलनिफ्राय 1 जुनसिम गोलाव समनि हाबाफारिजों खुंजानो गोनां सुबु आफाद बिसायख'थियावबो समाजआरि बिजोंफोरनि मैखोम बिफावखौ नुनो हागौ होनानै बुनो हायो।

दिनेनि फान्जामुथि

राशि बाइदियै मुनि गिबि हांखो
मेघ : अ ल वृष : ऊ ब (उ ए इ) मिथुन : क छ (ङ घ)
कर्कट : ड ह सिंह : म ट कन्या : प ट (ण ष)
तुला : त र बुश्चिक : व न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

- मेघ**: बायदिसिना रोखोमनि जेनाजों खस्ट' भुगिनानो हागौ। गोसो हमथानानै सोलिनांगोन।
- वृष**: माबाफोर गोदान आसायै मिजिंथिनो हागोन। सान्नायखौ मावोबा जाफुनो हागौ। मोजां सान।
- मिथुन**: खामानि मावनायाव हेंथा मोनो हागौ। सान्नाय बायदि खामानिया जाफुनाय नड। गोसोखौ हमथा।
- कर्कट**: माबा मोनसे मुवा-बेसाद ख'हा जानो हागौ। गोसोखौ गात्रि मोनखानो हागौ। गोसोखौ हमथा।
- सिंह**: जैरेबो रंजा-बाजा खालामनो हागोन। गोजोनै सम बारहोनो हागोन। मोजां सान।
- कन्या**: माबाफोर शुभ खामानि मावने गोनां दडवा मावनानै लानो हागोन। गोजोन मोनगोन।
- तुला**: जेखि जाया फालांगियाव मुलाम्फा मोनो हागोन। बे राशिनि थाखाय गाहाम सान।
- बुश्चिक**: माबा मोनसे खामानि मावने मोन्नायनि सुजुग सुबिदा मोनो हागोन।
- धनु**: मानिबा मोजां रंग'थि जानो हानायनि मान मोनो हागोन। गोजोन मोनगोन।
- मकर**: जेखि जाया धोनआ बांलांगोन। नख'रआ जौगानायखौ मोनो हागोन। मोजां सान।
- कुम्भ**: बे राशिनि थाखाय अशुभ सम। गोथार खामानिखौ मावने नाड। गोसोखौ हमथा।
- मीन**: मानिबाफोर जाहोनाव सोरजोंबा सोमोन्दो गावसालायनाय जानो हागौ।

बिजेपि आरो टिएमसिआ आलादा-आलादायै कचबिहारव बिसायख'थि रेलि खुंदों

कचबिहार, 4 एप्रिल : लक सभा बिसायख'थिनि अक्टआ खाथिनिक्राय खाथिसिनाव फैगासिनो दड। बे समाव राजखान्थि हान्जाफोर गोखों थियारि खालामनायजों लोगोसे बिसायख'थि फोसावदिफोरख गावजों गाव फिनजाथाइ होलायदों आरो बाश्राजों गाग्लोबलायदों। बेनि गेजेरवने गाहाइ मन्थि नरेन्द्र मदि आरो सोनाब बंग'नि गिबि मन्थि ममता बेनाजीआ मोगा-मोगि जानो थंगासिनो दड। बिथांमोनहा कस बिहाराव बिसायख'थिनि रेलि खालामनो थंगासिनो दड। बिसायख'थि आयगआ सरासन्ना बिसायख'थिनि हाबाफारिखौ फोसावदिनायनि उनाव सोनाब बंग' आरो बिहारआव दिने गाहाइ मन्थि मदिया गिबियै



रेलि खालामदों। गाहाइ मन्थि मदि आरो गिबि मन्थि बेनाजी बिथांमोनहा सानैबो जानो गोनां बिसायख'थिनि फोसावदिं खालामदों। टिएमसिआ कस बिहारव सानजौफुनि 1 रिगायाव रेलिनि हाबाफारिखौ लायो। फारसेथिं बिजेपिया बेलासिनि 3 रिगायाव रेलिनि हाबाफारिखौ

खुडो। मख'जाथावदि, बुधवारखालि नम एफनि गेजेरजों गाहाइ मन्थि मदिया सोनाब बंग'नि बिजेपि मावफारियाजों सोमोन्दो लाखिदों आरो राइज्योआव थानाय टिएमसि सरकारनि सायाव गोखों बाश्रा बुंदों। बे समाव बिथाडा बुडेदि, सोनाब

बंग'आव देरसिन आयदायानो जादों हिंसा आरो बिजेपिया राइज्योआव जालानाय आरो जाबोगासिनो थानाय जाथायफोरनि सायाव गोखों नोजोर लाखिदों। गाहाइ मन्थिया बुं'बावोदि, बिसायख'थिनि उनाव सोनाब

जगदिस बर्मा बसुनीयाखौ बिसायख'थि फोथाराव बिजाथि फसंदों। राइज्योआव आलिपुदुवार आरो जलफाइगुरीजों लोगोसे सा-सोनाब बंग'आव थानाय कस बिहार बे मोन्थाम बिसायख'थि बियाब दड, जेराव लक सभा बिसायख'थिनि थि खालामनाय मोन 7 खोलोबनि गेजेरजों गिबि खोलोबआवनो एबा 19 एप्रिलखालिनो भट सोनाय जागोन। मख'जाथावदि, सोनाब बंग'आव गासै मोन 42 बिसायख'थि बियाबफोर दड। 2019 नि लक सभा बिसायख'थियाव खुंथायाव थानाय टिएमसिआ मोन 22 मासिफोरख देरहासार जादोंमोन। फारसेथिं बिजेपिया मोन 18 मासिफोरख देरहादों आरो कंग्रेसआ मोन्नैल' मासियाव देरहानो हादोंमोन।

एक्सआ भारतआव कमिउनिटि नटसखौ लन्च खालामबाय



गोदान दिल्ली, 4 एप्रिल : माइक्रू-ब्लगिंग वेबसाइट एक्सआ वृहस्पतिवारखालि भारतआव कमिउनिटि नटस प्रग्राम लन्च खालामनायखौ लानानै एक्सनि अनार एलन मास्कआ गावने खौरं होयो। एलन मास्कआ गावनि अफिशियल एक्स हेन्डलिनफ्राय बेनि सोमोन्दै लेटेस्ट आपडेट फोसावयो। अदेबानि कमिउनिटि नटस प्रग्रामजों लोगोसे एक्सआव इउजारफोरनि गेजेरजों दैथाइ हरनाय टुटफोरखौ फेक्ट-चेक

खालामनाय जायो। बेबायदियाव आथिखालाव भारतयावबो बे प्रग्रामजों लोगोसे फेक्ट चेकिंखौ लानानै बिहोमा होनो हागोन। कमिउनिटि नटस हेन्डलिनफ्राय भारतीय इउजारफोरनि थाखाय मोनसे गोदान पस्ट शोयार खालामदों। बे पस्टआव लिरोदि, भारतआव गोदान बिहोमा होग्राफोरखौ बरयबाय। जौनि गिबि बिहोमा होग्राया दिने हाबबाय आरो जों समजों लोगोसे गुवारै सावरायबाय थागोन। जेब्लोबोनि बायदि जों

बेखौ रोखा खालामनो थाखाय गुणफोरखौ नोजोर होगोन, जाहाथे नटफोरा आलादा-आलादा थांखिजों सुबुफोरनि थाखाय बान्जायथावै फोरमान जायो। एक्सनि बायदिब्ला, कमिउनिटि नटसनि थांखिया एक्सआव इउजारफोरखौ मदत खालामनानै हानाय पस्टआव गोनांथि जानाय नटस सरजाबनाय सुबिधाजों लोगोसे साबसिन खौरं गोनां मुलुग बानायनाय। कम्पानीनि बायदिब्ला, कमिउनिटि नटसआव मुलुगनाडेनि दर 69 हादतफोरनिफ्राय आलादा-आलादा सुबुफोरा सोमोन्दो लाखिदों, जाय फे क्ट चेकिंआव मदत खालामो। लोगोसे सानफ्रोमबो कमिउनिटि नटसआव बिहोमा होग्राफोरनि अन्जिमाया बांगासिनो दड।

ब्रिटेननि सरासन्ना बिसायख'थिआव गाहाइ मन्थि ऋषि सुनकआ जेनगोन: सार्भे



लन्डन, 4 एप्रिल: ब्रिटेनआव 18 रोजानिखुइ बांसिन सुबुफोरनि सायाव खालामनाय मोनसे सार्भेआव फोरस्पायदोंदि, बे बोसोराव जानो गोनां सरासन्ना बिसायख'थियाव गाहाइ मन्थि ऋषि सुनकनि दैदेन्नाय कन्जार्भेटिभ पार्टिआ जेन्नायजों मोगा-मोगि खालामनाडे आरो बेरेखा दोलो लेबार पार्टिआ मोन 403 मासिफोरजों लोगोसे खुंथायाव फेफिनदोन। थोजासे भट मोनो थाखाय गासै मोन 326

एमपिफोरसिमल' सिमना गोनां खालामनानै होदोंमोन। बेराफारसै स्कटलेन्डआव लेबार पार्टिखौ गोरल्लैयै बयनिखुइ देरसिन दोलो खालामनानयनि मिजिं दड। सुलुडाव फोरमायनाय बादिब्ला, 41 जौखोन्दो भटआ लेबार पार्टिनाव आरो 24 जौखोन्दो भटआ कन्जार्भेटिभ पार्टिनियाव थांगोन। बेराफारसै लिबारेल डेमक्रे टसआ 12 जौखोन्दो, ग्रीन्सआ 7 जौखोन्दो भट आरो आद्रा थानायखौ गुबुन दोलोफोरा मोनगोन। भारतयायि फोलेरनि गाहाइ मन्थि ऋषि सुनकनि हाबा मावनाय समआ जैरेखि-जायाब्लाबो 5 बोसोराव आबुं जानांगौ। बेनिखायनो जैरेखि-जाया 2025 नि जानुवारनि सिगां सरासन्ना बिसायख'थि जानांगौ। बे सार्भेखौ 7-27 मार्चनि गेजेराव 18,761 ब्रिटिस बैसो गोरा सुबुफोरनि सायाव खालामदों।

तेलेंगानानि केमिकेल फेक्ट्रीयाव गिखंथाव बेरफुनाय जाथायजों सा 4 सुबुफोरनि जिउ गोमादों

हाइदराबाद, 4 एप्रिल : संगारेडडी जिल्लानि चन्दुर मुनि गाथियाव थानाय गंसे केमिकेल फेक्ट्रीयाव अर नांनयनि उनाव गिखंथाव बेरफुनाय जाथाय जायो आरो बे जाथायाव साब्रें सुबुफोरनि जिउ गोमायो। बेराफारसे सासेया गोब्राबै जोखोम जायो। सुलुडाव फोरमायनाय बायदिब्ला, बे अरआ एसबि अर्गानिक्स लिमिटेडआव नांदों। बे अरखौ सामलायनो थाखाय अर लुखोमोस्रा गारिफोरा जाथाय जानाय जायगायाव सौहैखाबाय। हदबुर पुलिस स्टेशननि इन्स्पेक्टरआ बे जाथायनि खौरं होनानै फोरमायोदि, गंसे केमिकेल फेक्ट्री एसबि अर्गानिक्स प्राइभेट लिमिटेडआव बेरफुनाय



जाथायजों अर नांदों आरो बे जाथायाव साबा सुबुफोरनि जिउ ख'हा जायो। तेलेंगानानि गिबि मन्थि रेवन्त रेडडीआ संगारेडडी जिल्लानि गंसे फेक्ट्रीयाव अर नांनय जाथायखौ नायबिजिरदों। बिबानगिरिफोरा गिबि मन्थिनो फोरमायनाय बायदिब्ला, बे अर रिपेक्टर बेरफुनायजों बांदों। गिबि मन्थि मावख'नि फोरमायनाय

बायदिब्ला, सिएमआ अर लुखोमोरग्रा बिबाननि बिबानगिरिफोरखौ थाबैने रेखा खालामग्रा मावसुमाफोरखौ गोखैयै अरखौ सामलायनो बिथोन होयो। बेजों लोगोसे गिबि मन्थिया जिल्ला बिबानगिरिफोरखौ जाथायाव जोखोम जानायफोरखौ फाहामथायारि जोथोन लाबोनो बिथोन होयो।

बाइनाडआव बिजेपिआ बिजाथिलाइ गथायनायनि सिगां रेलि खुंदों

बाइनाड, 4 एप्रिल : लक सभा बिसायख'थिनि दोहौआ आथिखालाव गोखौसिन जानानै फेबाय। गासैबो राजखान्थि हान्जाफोरानो गोखोडे थियारि खालामगसिनो। फारसेथिं राजखान्थि हान्जाफोर गावजों गावनि सायावबो बाश्राजों गाग्लोबलायनायखौ नुनो मोन्दों। बेनि गेजेरवने केरेला

बिजेपिनि गाहाइ आरो बाइनाडनिफ्राय बिजाथि गसनाय के. सुरेन्द्रनआ जानो गोनां लक सभा बिसायख'थिनि थाखाय गावनि बिजाथिलाइखौ गथायनायनि सिगां दिने मोनसे रड स्व' खालामदों। बिथांजों लोगोसे हाबाफारियाव मिरुनि मन्थि स्मृति इरानीखोबो नुनो मोन्दों।



बे समाव मिरुनि मन्थिया कंग्रेसनि सायाव बाश्राजों गोखोडे गाग्लोबदों। रेलि हाबाफारियाव मन्थि इरानीया बुडेदि, बिथाडा बै बिसायख'थि बियाबनिफ्राय फेदों, जेराव गान्धी नख'रा 50 बोसोरसिम खुंथाइखौ सामलायदों मोन। नाथाय बेवहायनो बिसोरो जेनांदों। आथिखालाव बिजेपिया केरेलायाव सुबुखान्थिखौ रेखा खालामनो थाखाय गावसोरनि जिउखौबो बाउसोमनाय सा 150 नि बांसिन गावयारि सिबिथाइफोरनि आशिर्दादजों बे यात्राखौ जागायदों। बिजेपिया देरहासार जानानै थांखिसिम सौहैने हागोन होन्नाबो बिथाड बुडे।

सोर्गोनिफ्राय बहुमआव सौफैनाय बे बिफानि बिबारआ जॉनि थाखाय जोबोद मुलाम्फा गोनां

हिन्दु धोरोमाव सेफालि बिबारखौ जोबोद गोथार मानिनाय जायो। लोगोसेनो बास्तु सास्त्रआवबो फोरमायनाय जादोंदि, सेफालि बिफांआ नख 'रव सुभ'-गोजोन लाबोयो। फारसेथिं सेफालि बिफांनि बिबारआ मुलि बायदियैबो बाहायजायो आरो माखासे नेम-खास्थिनि गेजेरजों जिउआव पजिटिभ सोलायनाय लाबोनोबो हायो। धोरोमारि फोथायनाय एबा गनायथिनाय बायदिब्ला, सेफालि बिफांआ लैथोमा मन्थननि समाव सोमजिखांदोंमोन आरो बे बिफांखौ इन्द्रदेवआ सोबोंआव गायना दोन्दोंमोन। बेनि अनगायै फोथायनाय जायोदि, जाय नख 'रव बे बिफांखौ गायना नै दोन्नाय जायो बे नख 'रव बिमा लक्ष्मीनि जेब्लायबो आखाय साया थायो। थामहिनबा बिमानि अन्यायखौ मोन्नो हायो। जेराव गुबुन बिबारफोरखौ बिफांनिफ्राय



खानायाव हायाव गोग्लैनायनि उनाव बेखौ फुजायाव बाहायनाय जाया एबा हायाव गोग्लैनाय बिबानखौ फुजानि थाखाय बाउनाय जाया, नाथाय सेफालि बिबारखौ हायाव गोग्लैनायखौसो फुजायाव बाहायनाय जायो। सेफालि बिबारखौ बिफांनिफ्राय खानानै माब्लाबाबो फुजायाव होनो हामा होन्ना बुंनाय बाश्रा दड। बुंनाय जायोदि, जुलिनि बिथिडाव माबाफोर जेंना नुजाथिबाय

थादोंब्ला मंगलबार सानखालि खमला गाबनि एबा बैरगि गाबनि सिआव सेफालि बिबारफोरखौ हलदेंजों खेबथाम खाथेनानै लानांगौ आरो न'नि मन्दिरआव बिमा गौरिनि सावगारि एबा मुसुखा साखाथियाव दोन्नांगौ। बेबायदि राहा खालामोब्ला थाबैनो नख 'रव थानाय जुलि जानांगो सुबुनि जुलिया जायो होन्ना फोथायनाय दड। सेफालि बिफांनि रोदाखौ हायो होन्ना बुंनाय जायो।

फि सा फि सा थुखा खालामनानै नख 'रव रां खावरि दोनग्रा जायगायाव दोनोब्ला धोन-सम्पतिनि जेंनाफोरनिफ्राय रेहाय मोनो होन्ना बुंनाय जायो। बेनि अनगायै मंगलबार सानखालि सेफालि बिबारखौ बिबारनि सिआव बोन्ना नै बिमा लक्ष्मीनि मन्दिराव बाउयोब्ला बेजों साखियाव जोगासारनो हायो होन्ना बुंनाय जायो।

रंजालि गथ'फोरनि सौरा

बारदै सिख्ला

बोसोराव बिमा बिफानि न'आव आलासि जानो फैनाया, नॉनि हुदाखा । बिमायाबो मिथिखागौ फिसाजो फैगोन बोसोर गोदाननि खेबसे आलासि जाफैगोन । सिथ्ला, लांगोना, गबदा ख'ना ख'नला, दाखोर दाला खां सिं सिबसां फैगोन सोरगिदिं साखोन सिखोन खालामगोन । नाथाय नों माब्लाबा मानोबा बोरखाडो गोसोम खानाइखौ हगारसानानै सोमबे - बे, बुगब - गब जाखाडो, रागाजों सिमब्रे सिमब्रा खालामो बिफां लाइफां बुखुना गारहरो न'नि खुस्थाफोरखौ बोखे-बोखा खालामो गिनायजों मानसिफोरा आखाइ खबजब बायो आरज गाबो, नोंखौ थाजिम जानो खावलायो अब्लाबो नॉनि रागाया थामिया, बेखायनो हासिब खामफलायजोंबो खुबैजायो । बुजि रोड जों, मिथि रोड जों नॉनि हास्थायनाय, नॉनि साननाय... फुजिनाय, सोनायाव जादोंब्ला आथोख-निथोख दुखु दामोनसै अननायै गेखु रोडे जों हावरिया । हे! बारदै सिख्ला नों गोजोनै फे, खुसियै थां सिमब्रे सिमब्रा खालामनानै दाखालाम जोंखौ खाराव - माराव बेनो आनि, नॉनि सेराव गुरैयै आरज ।

रंजित दैमारि
सानजारि नोगोर
(सिमेन सापरि)

आंगोनि गोजोन देरा

नोंखौ लानानै रनसायनाय सिमांफोरा आद्रा जायोब्ला थावरिनो बेसे गोबाव; मोनहास 'हायै बुब्लिनि बिखायाव मोन्थाइया नोंजोंनो थानानै थानांगौनि ।

गोजोन संसारनि समायनायथिखौ गोजोरै लाखिनांगोआ जों सानैनि बिबान; सानजा फैसालिनि आलायारनाबो अराय सोरां होफैयो जोंखौ हास्थिनो गोजान लामा ।

लुनाय गंसेल' आंगोनि गोजोन देरा सोलिनो गोब्राब जॉनि अनगा गुबुनफ्रा; अननायनि फिथिखाजों बुंफननाय मायाथिलि बुहुमाव नॉनि आनि गोजोन संसार ।

निजोम बर'
पशिसम पानेरि,
अदालगुरि

जिउनि अनजालि

आनि जिउनि मोदायजो गोबॉनि अनजालि मोन जों । गेलेनाय नंजमोन आनि नोंखौ मोजां मोननाया । दिनें नाथाय मानो ? आनि गोबॉनि गोथार अननायखौ नेवसिनानै नों नंखाय खालामखो ? नजमोन अनजालि बियो दसे समनि थाखाय; अराय समनि थाखायसोमोन । सिमांआवबो सानाखौमोन आं, नों अनजालिखौ गुबुनजों आनत्राय लांगोन होन्ना नै । नाथाय जिनें नेवसिबाय नों अनजालिया गोबॉनि गोथार अननायखौ । सानदोंमोन आं नों अनजालिखौ जीउनि खालामनो फैमाल नाथाय बे आनि साननाय । होलांबाय नों अनजालिया गोसोआव हाजासे दुखु गालांबाय नों अनजालिया गोबॉआव जुजायनि अर थांबाय नों.... जिउनि अनजालि ।

मुक्ति दैमा मसाहारी
ला:सो:- हलथुगाव
जिला-कक्राझार, बि टि सि

जिउ

बे संसाराव ईसोरनि अननायाव जिउनि बिगोमा नों आरो आं समायना सोरजिदों बयखौबो आफा गसाइआ । आफा ईसोरनि माया जे.. माबोला सारसिनगोन नॉनि आनि जिउ माबोला थुंगेगोन समायना नॉनि जिउ । जिउआ नागारगोन... गोथै देहा जिउ गैयै सह'खौ नों गोबाखबना गाबनांगोन । लंथं सोलेरै फैनांनाय जिउआ थांफिननांगोन बयबो लंथं देहाखौनो लाना नागारलानांगोन रां-रुफा धोन आरो दौलद । जिउआव नों आरो आं... माबोला लुफलांगोन फाबनि मन्दिर आफा ईसोरा नोंखौ नुहुरगोन समायना जिउजों नोंदि... खोमसि ननि सिंखवसो हाबनानै दं । फाब मावदोंब्ला आफा ईसोरनाव सिमान लानांगोन निमाहा मोनगोन नों.. आफा-ईसोरा नोंखौ बाखनायगोन फाबनि सिमान नों लायोब्ला । थस'लाइनि दै नों आरो आनि जिउ जोथोनै लाखियाब्ला... माबोला जय सिरिलिगोन गुमुरखौ मोननाय नज ।

बेलारोम बसुमतारि
फखालागि, कक्राझार

गोरोबनै खन्थाइ

सुबुनि बोहैथि जिउवा बिलि लाना आवा फावा

जेराव सोरनि जिउ लामाया मा जागोन गुमुर मोनहाया

दं एखर एखर मानसिफोर हरदम जानाय दाहा दिखार

गोसो गुसु नडैआनो रागाखौ हाया जिमायनो

जिउखां गहै गैयैआनो जायो मा मावनो मा दानो

सोरहाबा दंबाबो फैसा दं मानिबा हांमा हांसा

रैदोम बर'
माजदिया बगुलामारि,
बाक्सा

जाबाय आं दुथामि

आनि जिउनि हाहाहोगिरि अनजालु आन्जालि, बिफा बिमाफोर गावसोरनि गोसो गोबोंआव हाजासे, गोथार मिजिं लानानै दोनहरदोंमोन, दिनें आंखौ टावन-सह'राव , स्कुल, कलेज फरायनो । बुरलु बुरला खालामनानै गावसोरनि बिखानि थैखौ दै खालामनानै, हरदोंमोन रोजा रोजा रां गावनि फिसानि नांगौ बादिथै । नाथाय दिनें मोनथिया हसिया, सह'रनि गुदुं बारजों बारफानानै गावनि सान्नाय हनायखौ सोलायबाय, बिफा-बिमानि मान-इजोदखौ बावगारबाय । लिरनाय-फरायनायआबो जाबाय लैथोनि दै दाहारआव गोजावनाय खोमस्लिफानफोरा बायदि थांखि गैयै । सानफ्रोमबो सह'रनि ग'लायावल', जौ, सिगारेट आरो थांखु सोबै -सोबै समखौ आं बारहदोंमोन । गावनि जौमोननि हाबिलासखौ सानहरनो सम आरो बोथोरआवो गैला आंहा, खालिबोल' नांगौ -नांगौ-नांगौ जौ, जुवा आरो सिगारेट । गिनाय, लाजिनायआबो गोमा जोबबाय, लामा सामा सिख्ला सासेबो बारग'लिया.... हाय ! आं मादि मावफोनांखो.... थारैनो जाबाय आंबो सासे दुथामि ।

मुक्ति प्रफुल्ल नार्जरी
कक्राझार कलेज
ला:सो:- दतमा

गोसो थोफलांबाय आं

गोसो थोफलांबाय आं नोंखौ स'ना; मा होन्ना नै रायज्जायबावगोन आं नोंखौ लोगो मोनबोला सना । जाया नंडा जाबाय नोंबो सासे महर गोसा नोंबो सासे महर गोसा सिखोला; फसाया नंडा फसायफलांबाय आनि जावलिना गोसोआबो । गोजावनांबाय आं नॉनि महरावनो रायखोमा जानांबाय आं ; सुबुंजों हिनजावनि फागोला बखि जानांबाय आं लामा-सामा । दोहो-दोहो खामगलि लांडो आनि सोलेरा दुखुनि मोदैजों लोमसाव फैयो; जेबोला नॉनि हायना गोनां महरखौ गोसोखांडो हाया आं नोंखौ बावनो हाया । नॉनि मिनिनाय नॉनि रायज्जायनाय दिनें नुयै गामोनबो नुयैनो; गोसो थोफलांबाय आं नोंखौ सना नों मानि-दामानि । नाथाय नागिरै-नागिरै मोनबायमोन आं सायखना नोंखौल बे जोनोमाव; मोनहां-मोनाहां जागोना जाया आनि गोसोजों हास्थायनाया । बेयो आं अराय सम नॉनि गुरै रावनि फिन्नाय सना; आनि गेब्रेब देरानि दरखांआव ।

मुक्ति रामनाथ बसुमतारि
श्रीमन्त शंकरदेव गोजां फरायसालि
ला:सो:- निउ बडइगाव
जिला-चिरां, बि टि सि

आं नॉनि थाखायल

आंबोथ नॉनि थाखायल रावनिबो नड बे जोनोमआव, मोनथियाखैमोन नामा नों आंखौ मोजां मोना सान्दोंमोन रजे सिमाडव सानदों नोंजों गेलेगोन नाथाय मोगथाडव सान्दों नों माब्ला आनि जागोन । सानै सानै सानसनो हाला आवसाव जाबाय आं नॉनि समायना महरखौ बिखा सिंआव थानाय मोनबा बिदि जाया जागौमोन । नाथाय सना आं बे जोनोमआव नोंखौल मोजां मोनो नोंखौल गोसो थोयो, उसाव-बादाव आनि गोबोंआ नोंखौल सानो मानोथाय ।

मुक्ति थनिजा ब्रह्म
गामि: धावलाबारि
जिल्ला: कक्राझार

मादुरस्री

मा, एसे समायना; नॉनि महरा । मा, एसे हाइना, गोनां नॉनि रैसुमै, गोदै रावया । मादुरस्री..... । नॉनि मुहिनि गोनां, हाइना महरआव-दिनें, आं देबोर नांबाय । नॉनि अन्यायनि, फिथिखा, लुफावनायाव; दिनें आं आगोर, मोनै जाबाय । मादुरस्री..... ॥ नॉनि मिनिनाया मनलिसा बादि, गन्थडा नॉना, नारेंसु बादि जंब्लिद-ब्लिद, स'ना, आसिया, नॉनि, थब्लं देन्था, बादि, बावया । आं नॉनि, बेबादि मिनिस्तु, फाव, दिन्थिनायखौ; नासया । आं नॉनि, बेबादि, माया, गेलेनायखौ; दिनें, आं नॉनि, मेगननि, नोजोराव; आनि गोसो गोबोंया, बागदाव खांबाय । मादुरस्री..... ॥ । बे समायना, मुलुक संसाराव नोंखिइ साबसिन, रावबो गैया । मादुरस्री, बे संसाराव, नॉनिखुइ हाइनारिसिन, रावबो गैया ।

मुक्ति हाकिम बसुमतारि
गामि- 1 नं महेन्द्रपुर

जोबोमफुरी

आय' जॉनि उजिनाय हा बिमा समायना रमायना आसामफुरी, जैरेबो दैमा दैसा सारि सारि, बयनिबो बारि-बागान गय, खास्थालबारी.... जैरेबो दैमा दैसा बिफा-लाइफां रुम्बां रुम्बां । हाग्रा, बंग्रा सारि सारि, बयनावबो दं न' माय बाखि; बयबो गाव गावजोंबो गैथारा एना-एनि । जै जै मै मै मोजाडै मोजां बर'आ जाथों- । हाबाब थैस-थांस गाव गावजों मोजाडै जालांथों । आय' जैरेबो हाजो-हाला सारि सारि बेनो जॉनि बर' बिमा जोनोमफुरी- ।

मुक्ति गपाल बसुमतारि
बानुगाव, पुटिमारि

(□ 1 बिलाइनिफ़्राय)

आसामआव मदिनि गेरेन्टिजॉं लोगोसे मामानि गेरेन्टियासो सोलिगोनः गिबि मन्थ्रि

शइकियानि बिजाथिलाइ गथायनायजॉं लोब्बा लाखिनानै उदालगुरियाव बिजेपि, इउपिपिएल आरो आसाम गन’ परिषदनि गोजौं थाखोनि दैदेनगिरिफोरा नुजाथि हैनायखौं नुनो मोन्दें। बेजॉं लोब्बा लाखिनानै उदालगुरि गोजौंसिन गेजेरारि फरायसालिनि गेवलां गेलेग्रा फोथाराव मोनसे गेदेरथार सुबुं गौमा खुंफुंनायखौं नुनो मोनो। रोजा–रोजा हेफाजाबगिरिफोर बाहागो लानो हानाय बे सुबुं गौमायाव राइज्योनि गिबि मन्थ्रि ङ् ङ् हिमन्त बिश्व शर्मांआ बाहागो लानानै नरेन्द्र मदिआनो थामथि खेबनि थाखाय गाहाइ मन्थ्रि जाफिननो थांगासिनो दङ् होन्ना फोरमायथिनानै हादतखौं गोहो–गोर आरो जौगालु बिथिंजों दैदेनलांनायनि बाहागो लागिरि जानो थाखाय दिलिप शइकियानो भट होनानै ओन्सोलखौं नरेन्द्र मदिनि नोजोराव खोख्लैनो थाखाय खावलायनायखौं नुनो मोनो। हाबाफारियाव बाहागो लानानै 1 लाख साख्रि होनायनि सोमोन्दै फोरमायनानै फिन खेबसेबाव 50 रोजा लाइमोनफोरनो साख्रि होनो थाखाय खोथा होनायखौं नुनो मोन्दें। आथिखालाव राइज्योआव साख्रिनि दालालआ गोमालांबाय। लाइमोनफोर साख्रिनि आन्जादा माब्ला जायो बेखौंसो सोङ्गे। बे बाथाखौं गिबि मन्थ्रिआ रोखा फोरमायबावदोंदि, फैगौ जुलाइ दानावनो आसाम पुलिसजॉं लोगोसे थामथि आरो ब्रैथि थाखोनि साख्रिनि आन्जादआ खुंफुंजागोन। थामथि आरो ब्रैथि थाखोनि साख्रिनि मासिनि अन्जिमाखौं 35 रोजानिफ़्राय 50 रोजासिम बांहोनाय जागोन। बे हाबाफारियाव बाहागो लानानै गिबि मन्थ्रिआ गावनि बिबुंथियाव गाहाइ मन्थ्रि नरेन्द्र मदिखौं सानजॉं रुजुनानै साननि सोराङ्कवसो अखापोर एबा राइज्यो सरकारआ जौंबाय थानो हायो होन्ना फोरमायथियो। बेनि उनावनो दिलिप शइकियाखौं लानानै बिगि मन्थ्रि आरो बिटिआरनि गाहाइ मावफुं सोद्रोमा प्रमद बर’जों लोगोसे दोलोनि गोबां दैदेनगिरि–मावफारियाफोरा गावसोरनि हेफाजाबगिरिखौं लानानै उदालगुरि जिल्ला बेंगिरि मावख’याव बिजाथि दिलिप शइकियानि जानानै बिजाथिलाइ गथायनायखौं नुनो मोन्दें। बे बिजाथिलाइ गथायनाय हाबाफारियाव बिजेपिनि राइज्योयारि आफादगिरि भबेष कलित्ता, अगपनि दैदेनगिरि कमला कलित्ता, मन्थ्रि रन्जित दास, चन्द्रमहन पाठवारि, जयन्त मल्ल बरुवा, मन्थ्रि इ.जि. ब्रह्म, एमपि रेनगोर नाजॅरी, एमएलए गबिन्द चन्द्र बसुमतारि, जलेन दैमारि, दिगन्त कलित्ता, पर्मानन्द राज बंसिजॉं लोगोसे बिटिआरनि गोबां मावफुं सोद्रोमाफोर, एमसिएलएफोरबो बाहागो लानो हानायखौं नुनो मोन्दें। बे सानखालिनो लकसभा बियाबनि थाखाय भारतीय गन’ परिषदनि बिरेन बसाक, उदां बिजाथि दानियेल मारिद, भारतयारि जवान किसान पार्ष्तिनि अरुन बरुवा, माहारियारि उलेमा कारउन्सलनि आब्दुल हामिदआबो बिजाथिलाइ गथायो। बिसोरखौं लानानै बे बियाबआव गासै सा 11 बिजाथिफोर गिबिजाथिलाइ गथायबाय □

कक्राइार लक सभा बियाबाव नब’ कुमार शरनियाआ बिसायख’थि गेलेनो हालिया…

खालामनो थियारि खालामदोंमोन। अदेबानि नब’ कुमार शरनियाआ हेरेखा दोलोफोरनि बिजाथिफोर जेबो फेक्टर नङ् होन्नानै दाबि खालामदोंमोनब्लाबो सिं–सिं नब’ कुमार शरनियाआ कक्राइार बियाबखौं लानानै अंक’ खालामबोनाय एनडिेनि थाखाय जर’खायै बिजेपिनि थाखाय हेंथा सोमर्जिदोंमोन आरो राइज्यो सरकार चेलेन्ज खालामनानै गोजौं बिजिरसालिनि रायदाननि हेंथायै खोन्दो ट्रिबुनेलखौं आर’ज खालामनायाव दिने आयदानि खोनासं आजावनानै गुवाहाटी गोजौं बिजिस्सालिनि खोन्दो ट्रिबुनेलआ दोनथ’नाय आयदाखौं बोखारनानै होयो। जाउनाय एमपि नब’ कुमार शरनियानि थाखाय बिसायख’थि गेलेनाया बन्द जायो। मख’नो गोनांदि, बङ’लेन्ड जनजाति सुरक्षा मन्चनि बारग’ आफादगिरि जनकलाल बसुमतारिआ थांनाय 2019 माइथायनि 11 जुनआव नब’ कुमार शरनियाआ बर’ कछरी एबा एसटि नङ् होन्नानै अजद देख्नायजों लोगोसे आयदानि सायाव रहा लानो थाखाय राइज्योयारि थाखोनि स्क्रुटिनि कमिटिखौं खावलायहरदोंमोन। बे खावलायहरसायखौं बिथा खालामनानै राइज्योयारि स्क्रुटिनि आफादआ थांनाय 20 जानुवारिआव नब’ कुमार शरनियानि एसटि फोरसान बिलायखौं बोखारदोंमोन।□

बिटिसि बिसायख’थियाव जेनग्रा बिजाथिया लकसभानि बिसायख’थियाव देरहानायनि …

हाबाफारि बान्जायो। लोगोसेनो एनडिएनि बिजाथि जयन्त बसुमतारिआ बुंदोंदि, जौंनि एनडिएनि देरहानायनि नुथाया जोबोर मोजां। जेराव गासै हरिआनो एनडिएनो भट होनो थाखाय जानजि खाफ्राना दं। खाम्फा बरगयारीआ थांनाय बिटिसिनि बिसायख’थियाव जेन्नाय सासे बिजाथि, बियो 9 था बिधान सभा बियाबआव भट मोनगोननि खोथायाथ बेसेबा गोजाननि बाश्रा। बि फि एफ दोलोनि थासारिआ गाहाइ फारसे थांगासिनो दं होन्नाबो जयन्त बसुमतारिआ फोरमायबावयो। बेबायदि बाश्राजों राइज्योखौं बौरैबा फिर्दिनो हायो नामा बेखौं खाम्फा बरगयारीआ नाजादोंसो होन्ना फोरमायबावयो। 19 नं सिदली चिरां बिधान सभा बियाब हिसाबै 97 रोजा भट दंखायो। मानोना अं 97 रोजा भट मोन्ना बिधान सभा बियाबआव देरहासद जानो हादों। बे खेबाव बारायबावनायनि मिर्जिं दं। बे हाबाफारियाव एम सि एल ए सायखं बसुमतारि, बारग’ एम सि एल ए मावथि ब्रह्म हाज’वारी आरो गोबां दैदेनगिरि–मावफारियाफोरनो बाहागो लानो हानायखौं नुनो मोन्दें।□

बासुगाव दख’रा रंजालि बैसागु फालिनायनि …

नेउगखौं आफादगिरि, प्रशान्त तालुकदारखौं लोगो आफादगिरि, जयदिप बर्मनखौं नेहाथारि, मन्तु राय आरो हिमजल मेधोखौं लोगो नेहाथारि, परग कलिताखौं हारिमुवारि, कानु चक्रबर्तीखौं फोसावदि, प्रवाल दासखौं गेलेमु, धिरु मजुमदारखौं जामुं आरो प्रनब कुमार रायखौं रंगिरि महरै लानानै मोनसे गोहो गोरा बैसागु खुंफुं आफाद दाफुंनाय जायो। बे आफादआनो गुवाहाटीनि अपुर्ब बरुवा जान मुनि सासे जाखांफु देंखोगिरिखौं हारिमु मोनाबिलियाव बाहागो लानो खावलायहरसाय जायो। बे सान्त्रैनि मेहेरगोनं हाबाफारियाव बैसागुनि फिर्फिला, आफादनि फिर्फिला बिरहोनाय, मान बाउनाय, बिफां–फुलि गायनाय, गुबुन गुबुन मुहिनांथाव गेलेमु बादायलायनाय, मेथाइ खन्नाय, मोसानाय बादायलायनाय, खन्थाय आवरायनाय बादायलायनाय, सावगारि बोनाय बादायलायनाय, हरखाब बिबुंथि लाखिनाय, गुबुन गुबन माहारियारि हारिमुनि मोसाखावरिफोरनि बाहागो लानाय, सावराय मेल बान्था रन्नाय हावाफारि आरो सानफ्रोमबो हारिमु मोनाबिलि खुंफुंनाय जागोन होन्ना खुंफुं आफादनिफ़्राय रोखायै मिबथिहोनाय जादों। बासुगावनि अनगायैबो ओन्सोलनि काकारागावयावबो बैसागुनि अनगायैबो जरेगावयाव बिहु–बिसुवा, रजासार, साखाथि, कालिफुख्रि, सालाकाटि बायदि ओन्सोलफोरावबो बिसुवा, डांटल काग्राबारि, कुर्साकाटि, हरिगाव, लालमाटि बायदि जायगाफोराव बर’ माहारिनि रंजालि बैसागु फालिनो साखा–फारा जादों होन्ना मिबथिनो मोन्नाय जादों।□

बाक्सा जिल्ला जौ हमग्रा बिफानआ 5०० कार्टुननिखुइबो बांसिन जौ हमदों

सिप्रोमदोंमोनब्लाबो हरखाबै बे सिप्रोमनाय हाबाफारिखौं दोन्धदोंमोन। मिबथिनो मोन्नाय बायदिब्ला दिने बाक्सा जिल्ला जौ हमग्रा बिफाननि बिबानगिरि सन्जिब शइकियानि दैदेन्नायाव बिजिरगिरि आरो पुलिसनि नुजाथिनायाव फिन खेबसेबाव नायबिजिरसंनायखौं खालामफिन्नाय जायो। फोरसानलाइ गोनं जौ दखानाव 2 नम्बरनि जौजॉं लोगोसे गोबां सन्देह’ खालामजाथाव हाबाफारिनि थाखाय सामलायनाय बे नायबिजिरसंनायाव 500 कार्टुननिखुइबो बांसिन गोबां गुबुन गुबुन ब्रेन्डफोरनि जौफोरखौं हमनो हादों होन्ना बिफानआ फोरमायथिदों। गुबुन फारसेथिं जौ दखान बिगोमाया फोरसानलाइ एबा गासैबो नांगो जानाय फोरसानलाइ थासेयावबो जौ हमग्रा बिफानआ दासिमबो हमनानै लांनाय जौनि बिबांखौं हिसाब होयाखै होन्ना गोख्रॉं अजद देख्नायखौं नुनो मोन्दें। मख’नो गोनांदि, थांनाय 30 मार्चनि मोनाबिलि आरो दिने सामलायनाय बे नायबिजिरसंनाया ओन्सोलनाङ्गेनो सोमोनोहांदों।□

आसाम गन’ परिषदआ गसाइगावयाव जिल्लायारि …

इस्लारिनि दैदेन्नायाव मोनसे बिसायख’थियारि मेल खुंफुंनाय जायो। हाबाफारिया एजिपिनि गसाइगाव जिल्ला गाहाइ नेहाथारि बिलियाम हासदा, सुरत नाजॅजॉं लोगोसे गोबां दैदेनगिरि मावफारियाफोरनो बाहागो लानो हानायखौं नुनो मोन्दें।□

गिबि मन्थ्रि ङ् हिमन्त बिश्व शर्मानि हेंथायै मानहानि केस…

मन्थ्रि ङ् हिमन्त बिश्व शर्मानि हेंथायै 10 कौंटि रंनि मान सिमफायनाय (मानहानि) नि थाखाय आसाम प्रदेश कंक्रेस कमिटिनि आफादगिरि भुपेन बराआ केस थिसन्दों। मख’नो गोनांदि, गिबि मन्थ्रि सर्मांआ गुबुन गुबुन समाव आफादगिरि भुपेन बरानि हेंथायै माखासे अजद गोनं आरो समाजआव सान्नाय–हनायखौं गात्रि खालामनाय बिबुंथि होनायनि थाखायनो केस थिसन्दों होन्ना मिबथिनो मोन्नाय जादों। कंग्रेस दोलोनि ख’हा जानो गोनं बिबुंथि होनायनि थाखायबो गिबि मन्थ्रि ङ् शर्मानि हेथायै बे केसआव मख’दों। जर’खायै भुपेन बराआ थाबैनो कंग्रेस दोलोखौं नागरानानै भारतीय जनता पार्ष्ि (बिजेपि) आव फैगोन होन्नायजों लोगोसे गोबां रोखोमनि बाश्रा–बिबुंथि होनायनि हेंथायै प्रदेश कंग्रेसनि आफादगिरिआ दिने बृहस्पतिवारखालि बिजिरसालियाव फै दों आरो के सआ आथिखालाव बिजिरसालियाव थिसनजाबाय होन्ना मिबथि मोन्नाय जादों।□

रांनि उन–उन खारफानायानो भुपेन बरानि खामानिः पियुष…

गुबुन दैदेनगिरिफोर गावनि ओन्सोलनि सरासनन्ना राइजोफोरनि गाहाम खामानि मावनो हाथों होन्ना इसोरनि खाथियाव आर’ज खालामोब्ला भुपेन बराआ गावनि सिफियाव रं हाबनायनि थाखायसो आर’ज खालामो होन्ना मन्थ्रिआ गोख्रॉं अजद देख्नांबावदों। दोलोनि टिकेट फानानै, सान्दा खानानै माबोरै हान्जाखौं दैदेरलांनो हागोन आरो गावनि सिफिखौं माबोरै आबुं खालामनो हागोन बेखौं लानानैसो इसोरनि खाथियाव आर’ज खालामो होन्ना मन्थ्रिआ गोख्रॉं अजद देख्नानानै कंग्रेस दोलोनि सायाव हादतखौं बेरेखा लामजॉं दैदेनलांनायनि गोख्रॉं अजद देख्नांनायखौं नुनो मोन्दें।□

पुलिस बिबानगिरि जनमनि राभानि जिउ गोमानायजॉं लोब्बा..

जात्रबथायाव जिउ गोमादों होन्ना बुंनाय जनमनि राभानि देहायाव जायखि जाया जोखोम जानाय नुथायनि दामो गैयामोनिदि, बिथानि गारियाव ट्रकआ सौग्रावनायाव जात्रबथाय जानायआव जिउ गोमानायनि इसारा होदों। माखासे गोबां गोजौं थाखोनि बिबानगिरिफोरबो बुधरासायखौं लानानै मिर्जिथिनाय फोरमायदोंमोन। थांनाय बोसोरनि 14 जुनआव राइज्योनि पुलिस बिथोनगिरि गाहाइ जिपि सिंआ दिल्लीनि सिआइडिनि मावखुलिसिम थानानै बे केसनि सोमोन्दै सावरायलायनायनि उनाव सिबिआइआ सिआइडिनिफ़्राय केसरखौं आखायाव लादोंमोन।□

गसाइगावयाव हाग्रानि मैदेर उदाइै गिदिंथिंनायखौं गिखांदों

खालामफेनायखौं नुनो मोनो। गामियाव पुलिसअनि हान्जा आरो हाग्रा बिफाननि दोलोआ नुजाथि हैनानै मैदेरखौं हाग्रायाव होहरफिन्नो नाजादोंमोनब्लाबो दासिमबो जाफुंसार जानो हायाखै होन्ना मिबथिनो मोन्दें। सालजुरि गामिनि थांगिबि रविन हास्पदानि थाग्रा न’जों लोगोसे बारि–बागान गोबां मुवा–बेसादफोरखौनो फारसे थिंजायनिफ़्रायनो ख’हा खालामदों होन्ना मिबथिनो मोन्दें।□

सुद’सल’ सैतेन्द्र बरकसारी सिमानि सावगारि

फारो जरासे नायगिर नांगोमनहाय ! माबा दा सान्दै गात्रि गात्रि सिमां नुगासिनो दंथारो आं.....। आखाय हांसां हांसां बिसाय सानारामखौं थांखिनानै बुङ्गे सुमायथिया। पुस दानि फुबिलि। गोर्जानाय बोथोर। सोरगिदिं खुवाजो फुद्दु। लेब थसक जेमनानैबो गोर्जानाय मोनैनि बिजि सुमायथिखौं बायजोनि अग्दाबाव अर जरायहोदों बिसाय सनारामा। सिगारेत गंसे लगायनानै बोहाबदों। ‘स’ स’ उखुन्दै नागर हरनानै माबा सानहाबदों। बिसायनि खुगानिफ़्राय जेबो फिन ओंखारै नुनानै बाश्राखौं जुरि फिन्दों गवनो सिमां नुथारदोंना आं। माबा नॅनि मोसो दामब्राथा जि दों दों होसोखो। हाबु–दाखु न’ सिडव हाबनो होनानै खारनाया दरजायाव सौदावनानै ज़ाम गोग्लैब्लासो सिरि मोनगरनायसे। दुखु मोनाखिसे ? एदावनाय गाराङ्गे सोङ्गे सनारामा। सिमाङ्कव गोग्लैनायानो दुखु मोनबाव जावलिया। बाश्राखौं बुंनानै ब्लाव ब्लाव जोंगरनाय वनखौं थनैसो बख’नानै खोमोरनो नाजायो सुमायथिया। बे समावनो रूवाथि थबसिया साहा होफैयो सानैनेबो। थबसिनि मोखाङ्कव मोनथ्रिस्लाबा जासे थाङ्गे सनारामनि मेगना। दुबुर साहाखौं गारसे सुरगेबखोनानै मैया फरायसालिनिफ़्राय फैनानै नं सिङ्कव जि जेोम गान्सालनायय समाव लोगोफ़्र थबसिखौं बुंनाय बाश्राखौंनो गोसो खांदों सनारामा। बुंदों लोगोफ़्र थबसिखौं बे पुस दानि सुप्रि बाप्रि गोर्जानाय बोथोराव मा बौरै हाबा मावनांगौ जाखो ? बे समावनो नोंहा मास्तर बाबुनाव सुपेथाय गांसे बिहरना लानो हाया होम्बा ?! बिहरब्लानो लाबोगोन बियो। मालाय नोंप्रा मास्तरआ दस्रा बायदि नंखाया। सनारामखौं बिसोर नुनाय ना नुयै बेखौं मोनथित्ता। सनारामनि गुजु रेमनायखौं खोनानानै बिसोर नाथय फोरसा फोरसि थांदों।

सनाराम मास्तरा गुबुन बायदि नंगोना नङ्गे बेखौं मोनथिस’ हालिया। बाश्राखौं नाथय सनारामा सानो गावबो। हर ससेनिफ़्राय सिखारनानै दुमा दुम माय सौंनगों। सोरानायनि सिगांङ्कवनो सिथला सिबनाय साहा फुंदुनाय कमप्लित जाजोबनांगो। बेनिफ़्राय ओंखाम संनाय दुगोनो दै फुंदुनाय बिफोरखौं मावनांगो बिबाना रूवाथि थबसिनि फाप्लियाववनो। बिफां बिलाय सिरि होलायनाय गोर्जानायाव गुदुं जि मोदोमाव गांसे गैयब्ला रूवाथि मालायनो मोजां मोवगोन होमब्ला ? खामानि मावनो आरखं फाख’ जाया होमब्ला ! सान्नानै गवनो गाव एसे दुखु मोनो मास्तर बाबुवा।

बिसि सुमायथिनि आखालाव सनाराम बाबुनि अनसुला गोसोया थावरिनो हायाखै नाथय ! खारखोमा हैनदों बहावा। दाखलै बिसिनि हेंथाखौं मानिया बालानो रूवाथिथबसिनो हावाय सेन्देल जरासे होफैनायनि थाखायनो जा बायदि जालांभय ! मालायना मालाय रूवाथि थबसियासो गथं हासनाय बायदि मोनलाय थारदों लाजिनाया। मास्तर सनारामा सानसनो हाया– सोदोमसिनि बारमोन्नाय सुमायथि मोनब्रायदिनि गोसोया सानो एफा सुंथाव(?)।

सानबा सान्नानै मोथो मोथो रगा जोंखं गारदों सनारामा। गोमजोर गाराङ्गेबुङ्गे बियो बिसिखौं फारो सारो आं मोनथिया। अखा नायब्लाथाय नोंहा मोदाय दावदायानोसै। संसाराम नोंसोर हिन्जावफोरखौल’ सौनो होसोयो नामा– सिमाङ्कव। गुबुन बांगल जंगाल फोरखौलाय माथो सानथिं बाथिनो सौखेबनाय नुयो आंलाय। आरो माथो जेबो जाया। सिमांखौं गिनानै हाखु दाखु फारो नायगिरनानै साय सालामि होनांगो जाबाय आं। बेहालागै सोलाबाखै। मा खालामो हारसिंनो खालामबाव थानों। फारो नांगो ना अजा नांगो आंनि सिगाङ्कव दाबुंशार।

बाश्राखौं साहा लांनोनाय गिलास लानो फैनाय थबसिया खोनानानै बाग्दाव खांदों। गिलुं गिलुं गिलास गंनैखौं ट्रेयाव देखानानै मिन्चौं नायहरदों। मोनथि सवा थबसिया, मा जाहैगोन !

समेस उद्दिनखौं बरपेटा लकसभा बियाबनिफ़्राय बिपिएफनि बिजाथि फसंबाय

बिजाथिनि मुंखौं हाग्रामा महिलारीआ फोसावनानै होयो। कक्राइार लक सभा बियाबआव खाम्फा बरगयारी, दरं–उदालगुरिआव दुर्गा दास बर’, शनिंतपुरआव राजु देउरिखौं बिजाथि महरै फोसावनायनि उनाव दिने बरपेट बियाबाव समेस उद्दिनखौं बिजाथि महरै फोसावनाय जायो। बिपिएफ दोलोआ मोनहा बियाबाव बिजाथि फसंनो फोसावदोंमोनब्लाबो गुवाहाटी लक सभा बियाबनि बिजाथिनि मुंखौं दिने फोसावनायनिफ़्राय जानगाराव थायो। मख’नो गोनांदि, गुवाहाटी लक सभा बियाबाव गासै सा 6 बिजाथिनि मुङ्क रायखांजादोंमोन। नाथाय दोलोया सोरखौं बिजाथि महरै फसंगोन बेयो थि जायाखै होन्नानै महिलारीआ मिथिहोयो। अदेबानि बेनि थाखाय सावरायलायनाया सोलिगासिनो आरो थि थांखिसिम सहैबानो बिजाथिनि मुंखौं फोसावनाय जागोन होन्नानै बिथाङ्क फोरमायो। खौरंगिरि मेलाव हाग्रामा महिलारीआ दरं–उदालगुरि आरो कक्राइार बियाबआव बिपिएफ दोलोनि बिजाथिया देरहानाया रोखा होन्ना दाबि खालामनानै बिथाङ्क एआइइउडिएफआ हेफाजाब होनायनि सोमोन्दै बुङ्गेदि, जेबो रोखोमनि शर्तआव बिसोरो बिपिएफ दोलोखौं हेफाजाब होनो सिगाङ्कखै, बिसोरनि मोनसेल’ थांखियानो जादों बिजेपि आरो कंग्रेसखौं फेजेन्नाय होन्नानै महिलारीआ बुङ्गे। बिथाङ्क मैया दरं–उदालगुरियाव दुर्गा दास बर’आ बिजाथि लाइ गथायनायखौं फोरमायनानै राइजो–राजाफोरा हेफाजाब होदों होन्ना बुंनानै बिसायख’थि आयगआ थि खालामनानै होनाय बादि्यै फैगौ 19 एप्रिलआव कक्राइार लक सभा बियाबनि बिजाथि खाम्फा बरगयारीआ बिजाथि लाय गथायगोन होन्नानै फोरमायो। हाग्रामा महिलारीआ आसामाव बिजेपिआ मोन 18, कंग्रेस दोलोआ मोन 14 मासियाव देरहागोन होन्ना फोरमायनानै एआइइउडिएफआ मोन 4–5 मासियाव देरहागोन होन्नानै दाबि खालामो। लोगोसे बिपिएफ दोलोआ मोनबा बियाबनि गेजेराव मोन 3 मासियाव देरहागोन होन्नानै महिलारीआ दाबि खालामो। गुबुन फार्षेथिं, बिपिएफ दोलोनिफ़्राय टिकेट मोन्नायनि उनाव बिजाथि समेस उद्दिनआ खौरं बिर्जौनि गेजेरजॉं हाग्रामा महिलारीनिंसिम साबायख’र जायिहरो। मख’नो गोनांदि, कंग्रेसजों लोगोसे गुबुन गुबुन दोलोनिफ़्राय गोबां दैदेनगिरि–मावथिफोरा दिने हाग्रामा महिलारीनि नुजाथिनायाव बिपिएफ दोलोयाव जगदान खालामो।□

1 नं कक्राइार लकसभा बियाबाव एनडिएनि बिजाथिया 5 लाखनिबो गोबां भत मोनानै …

सभा बियाबनि एमएलए जिरन बसुमातरि आरो बिटिसिनि मावफुं सोद्रोमा रेव–रेवा नार्जिहारिआ बेखेवनानै होनायखौं नुनो मोन्दें। बे हाबाफारियावनो मावफुं सोद्रोमा उखिल मुसाहारी एम चि एल ए राजिब (बांगाल) बसुमतारि आरो गोबां इउ पि फि एल, बि जे पिनि दैदेनगिरि–हेफाजाब गिरिफोरा बाहागो लानो हानायखौं नुनो मोन्दें। बे हाबाफारियाव बाहागो लानानै मावफुं सोद्रोमा रेव–रेवा नार्जिहारिआ खौरंगिरिनि सिगाङ्कव फैगौ लकसभा बिसायख’थियाव एन डि ए जों फसंजानाय बिजाथिया देरहासात जागोना रोखासै आरो खमैबो 5 लाख निफ़्राय 6 लाखसिमसो भत मोन्नानै देरहासात जागोना रोखा होननानै फोरमायथियो। लोगोसे बेरेखा दोलोनि बिजाथि एबा बिपिएफ राजखान्थि हान्जानि बिजाथि खाम्फा बरगयारिखौं थांखिनानै फैगौ लकसभा बिसायख’थियाव 2 लाखनिबो गोबां भत मोन्नो हाया आरो जेनगोना रोखा होन्ना फोरमायथिनायखौं नुनो मोन्दें।□

इउबिपिअआ लकसभा बिसायख’थियाव बिजेपि जुथाय हान्जानि बिजाथिखौं हेफाजाब होनो …

हारिमुवारि बायदि बिथिङ्कव जौगाथायनि रहा लानो इउबिपिअनि दैदेनगिरिआ आसामनि गिबि मन्थ्रि ङ् हिमन्त बिश्व शर्मा, ट्राइबेल परिक्रमा (हायेन) बिफाननि मन्थ्रि डाः रनज पेगुजॉं गोबां खेब सावरायलायदों। जर’खायै थामथि बर’ गोर्जोन गोरोबथानि गासैबो दफाफोरखौं थाबेनो मावफुंनाय, गोरोबथानि 5.1 दफानि सिङ्कव बर’ कछरी अन्साय गावखुंथाय हायुं (बिकेडिब्लउएफि) दाफुंजादोंब्लाबो बेनि गामि सिनायथिनाय, बियाब थि खालामनानै बिसायख’थि खुंनाय जायाखै। बेनिखायनो थाबेनो बिकेडिब्लउएफिनि बिसायख’थि खुंनाय, धुबुरिनिफ़्राय शदियासिम आरो बराक हायेननि ब्रुस रियांफोरखौं लाफानानै दाफुंनाय गावखुंथाय हायुंनो सरकार होनाय फान्ङ्खो बांहोनाय, बर’ बिर्जौनि बिमा राव– सोलौंथाइनि जौगाथायनि थाखाय जर’खा थिसन्थाय होनाय, बिटिआरनि बायह्लयाव बर’ बिर्जौनि थाखाय आलादा टेट आन्जाद खुंनय, बर’ बिर्जौनि सरकारि नङ्गे फरायसालिफोरनो जर’खा रेहाय होनानै सरकारि खालामनायनि रहा लानाय, शनिंतपुर जिल्ला आरो बिश्वनाथ जिल्लानि बर’ गामिफोरखौं बिटिआर आरो बर’ कछारी अन्साय गावखुंथाय हायुंनि बाह्लयाव थालांनायनि थाखाय बे ओन्सोलफोराव मावनो हायै जौगाथायनि खामानिखौं बिटिआर गोरोबथानि 5.2 दफानि बादि्यै जर’खायै जौगाथाय बिथार्थिखि लानानै मावफुंनायनि सायाव सावरायलायनाय जायो। लोगोसे आसामनि गिबि मन्थ्रिआ जेनाफोरखौं सुसानो थाखाय गोनांथि बादि्यै रहा लानो खोथा होदों। बेनिखायनो बिटिएर्डिनि बायह्लनि बर’ राइजो–राजाफेरनि जौगाथायनि सार्थआव आरो आसामनि जौगाथायनि थांखि लानायनि थाखाय फैगौ लक सभा बिसायख’थियाव बिजेपि जुथाय हान्जानि बिजाथिखौं हेफाजाब होनो थांखि लादों होन्नानै आफादआ रादाब बिबुंसारनि गेजेरजों मिथिहोदों।□

सुद’सल’ सैतेन्द्र बरकसारी सिमानि सावगारि

फारो जरासे नायगिर नांगोमनहाय ! माबा दा सान्दै गात्रि गात्रि सिमां नुगासिनो दंथारो आं.....। आखाय हांसां हांसां बिसाय सानारामखौं थांखिनानै बुङ्गे सुमायथिया। पुस दानि फुबिलि। गोर्जानाय बोथोर। सोरगिदिं खुवाजो फुद्दु। लेब थसक जेमनानैबो गोर्जानाय मोनैनि बिजि सुमायथिखौं बायजोनि अग्दाबाव अर जरायहोदों बिसाय सनारामा। सिगारेत गंसे लगायनानै बोहाबदों। ‘स’ स’ उखुन्दै नागर हरनानै माबा सानहाबदों। बिसायनि खुगानिफ़्राय जेबो फिन ओंखारै नुनानै बाश्राखौं जुरि फिन्दों गवनो सिमां नुथारदोंना आं। माबा नॅनि मोसो दामब्राथा जि दों दों होसोखो। हाबु–दाखु न’ सिडव हाबनो होनानै खारनाया दरजायाव सौदावनानै ज़ाम गोग्लैब्लासो सिरि मोनगरनायसे। दुखु मोनाखिसे ? एदावनाय गाराङ्गे सोङ्गे सनारामा। सिमाङ्कव गोग्लैनायानो दुखु मोनबाव जावलिया। बाश्राखौं बुंनानै ब्लाव ब्लाव जोंगरनाय वनखौं थनैसो बख’नानै खोमोरनो नाजायो सुमायथिया। बे समावनो रूवाथि थबसिया साहा होफैयो सानैनेबो। थबसिनि मोखाङ्कव मोनथ्रिस्लाबा जासे थाङ्गे सनारामनि मेगना। दुबुर साहाखौं गारसे सुरगेबखोनानै मैया फरायसालिनिफ़्राय फैनानै नं सिङ्कव जि जेोम गान्सालनायय समाव लोगोफ़्र थबसिखौं बुंनाय बाश्राखौंनो गोसो खांदों सनारामा। बुंदों लोगोफ़्र थबसिखौं बे पुस दानि सुप्रि बाप्रि गोर्जानाय बोथोराव मा बौरै हाबा मावनांगौ जाखो ? बे समावनो नोंहा मास्तर बाबुनाव सुपेथाय गांसे बिहरना लानो हाया होम्बा ?! बिहरब्लानो लाबोगोन बियो। मालाय नोंप्रा मास्तरआ दस्रा बायदि नंखाया। सनारामखौं बिसोर नुनाय ना नुयै बेखौं मोनथित्ता। सनारामनि गुजु रेमनायखौं खोनानानै बिसोर नाथय फोरसा फोरसि थांदों।

सनाराम मास्तरा गुबुन बायदि नंगोना नङ्गे बेखौं मोनथिस’ हालिया। बाश्राखौं नाथय सनारामा सानो गावबो। हर ससेनिफ़्राय सिखारनानै दुमा दुम माय सौंनगों। सोरानायनि सिगांङ्कवनो सिथला सिबनाय साहा फुंदुनाय कमप्लित जाजोबनांगो। बेनिफ़्राय ओंखाम संनाय दुगोनो दै फुंदुनाय बिफोरखौं मावनांगो बिबाना रूवाथि थबसिनि फाप्लियाववनो। बिफां बिलाय सिरि होलायनाय गोर्जानायाव गुदुं जि मोदोमाव गांसे गैयब्ला रूवाथि मालायनो मोजां मोवगोन होमब्ला ? खामानि मावनो आरखं फाख’ जाया होमब्ला ! सान्नानै गवनो गाव एसे दुखु मोनो मास्तर बाबुवा।

बिसि सुमायथिनि आखालाव सनाराम बाबुनि अनसुला गोसोया थावरिनो हायाखै नाथय ! खारखोमा हैनदों बहावा। दाखलै बिसिनि हेंथाखौं मानिया बालानो रूवाथिथबसिनो हावाय सेन्देल जरासे होफैनायनि थाखायनो जा बायदि जालांभय ! मालायना मालाय रूवाथि थबसियासो गथं हासनाय बायदि मोनलाय थारदों लाजिनाया। मास्तर सनारामा सानसनो हाया– सोदोमसिनि बारमोन्नाय सुमायथि मोनब्रायदिनि गोसोया सानो एफा सुंथाव(?)।

सानबा सान्नानै मोथो मोथो रगा जोंखं

जुहि चावलाया शाहरुख खानजो लोकोसेयै मेचफोर नायनाय समनि माखासे बाथाफोरखौ फोरमायदो

'आइपिएल 2024'

नि बादायलायनाया सोलिगासिनो दड। गासैबो हान्जाफोरा बादायलायनाया दावगानो थाखाय नारानाथार नाजागासिनो दड। बे बादायलायनाया शाहरुख खाननि केकेआर हान्जायाबो बाहागो लागासिनो दड। शाहरुख खानजो लोकोसे फावखुंग्रि जुहि चावलायाबो केकेआर हान्जानि क'-अनार। जुहि चावलाया फोरमायदोदि, आइपिएल मेचफोरनि समाव, शाहरुख खानआ गावनि हान्जा केकेआरआ जेनोब्ला बेनि रगाखौ बिथांजोनियाव हगारो। बेबादि थासारियाव फावखुंग्रिआ



आइपिएल मेचफोरनि समाव, शाहरुख खाननिफ्राय जानगार थायो। आइएएनएसजो रयज्जलायनायाव जुहि चावलाया बुंदोदि, 'आइपिएलआ जेब्लाबो

दोहो गोनां जायो। जॉनि हान्जाया जेब्ला गेलेयो अब्ला बेखौ नायनो थाखाय जो जोबोद गोसो गुदु जायो।' शाहरुख

खाननि सोमोन्दै रयज्जलायनायाव फावखुंग्रिआ बुंवावदोदि, बिथांजो लोकोसे मेच नायनाया साबजाथाव नड,

बेनि रगाखौ बिथाड ऑनियाव हगारो। अब्ला आं बिथांखौ बुडेदि, नोंथाड रगाखौ ऑनि सायाव नडा हान्जानि सायाव हगार। बेनिखायनो जो सानैजो जयै मेच नायनाया साबजातथाव नडा। आं सानोदि, बेबादि थासारिया आलादा हान्जानि बिगोमाफोरनि गेजेरावबो जायो।' जुहि चावला आरो शाहरुख खाननि जराया मोनसे बलिउडनि सुपारहित जराफोरनि गेजेराव मोनसे। बिथांमोना बलिउडनि गोबां हिट सावथुनफोराव जयै खामानि मावखांबाय।

'दा एकाडेमी'आ दीपिका पादुकणनो मोनसे सारप्राइज होदो



दीपिका पादुकणआ 'बाजीराव मस्तानी' सावथुनाव फाव खालामदोमोन। बे सावथुनखौ 2015 माइथायाव रिलिज खालामनाय जादोमोन। सावथुननि रिलिजआ आथिखालाव 9 बोसोर बारलांबाय नाथाय अन्सायगिरिफोरा बे सावथुनाव दीपिका पादुकणनि दोहोखौ दासिमबो गोसोआव दं। बेबादि थासारियाव एकाडेमी एवाडर्सआ दीपिका पादुकणनो मोनसे सारप्राइज होदो। जायनि सायाव बिथांजोनि फिसाय रणभिर सिंहआबो रिफ्ट खालामदो। अस्कार बान्था होग्रा आफादिनि मावख'आरि इन्स्टाग्राम एकाउन्टआव 'बाजीराव मस्तानी' सावथुननि 'दीवानी मस्तानी' मेथाइखौ शेयार खालामनानै केप्सनाव बेखौ लिरनाय जादोदि, श्रेया घालआ बे मेथाइखौ रोजाबदो। 'दीवानी मस्तानी' मेथाइआ सावथुन दिहुनगिरि सन्जय लीला बान्सालीनि 'बाजीराव मस्तानी' सावथुननि मोनसे हिट ट्रेक।' दीपिका पादुकणनि फिसाय रणभिर सिंहआबो बे भिडिअ'आव कमेन्ट खालामदो। बिथाड कमेन्टआव, 'गोमोथाव होन्ना लिरदो'। दीपिका पादुकण आरो रणभिर सिंहआ 29 फेब्रुवारीनि फुंआव अन्सायगिरिफोरनो गावसोरनि मोजां खौरांखौ फोसावदोमोन। जराया इन्स्टाग्रामआव फोरमायदोमोनदि, बिसोरो सोलिफु बोसोराव बिमा-बिफा जानो थांगासिनो दड। जराया गावसोरनि पस्टआव डिलीभारीनि दानखौबो फोरमायदोमोन। दीपिका पादुकणआ सोलिफु बोसोरनि सेप्टेम्बरआव सासे गथ' जोनोम होगोन। वबेखानि अक्टखौ दासिमबो फोरमायनाय जायाखे।

हिरामन्डी वेब सिरिजनि नैथि मेथाइखौ रिलिज खालामबाय



हिन्दी सावथुननि रंग 'थि गोनां सावथुन दिहुनगिरि सन्जय लीला बान्सालीआ गावनि गिबि वेब सिरिज हिरामन्डीनि थाखाय गोबाव समनिफ्रायनो खौरां बिजोआव दं। 'हिरामन्डी' वेब सिरिजनि गिबि नुथायखौ नुनायनि उनाव, अन्सायगिरिफोरा बे वेब सिरिजखौ गोसो गुदुडै नेगासिनो दड। बेबादि थासारियाव, बे वेब सिरिजनिफ्राय आरोबाव मोनसे गोदान मेथाइखौ रिलिज खालामनाय जादो। माखासे सान सिगां हिरामन्डी वेब सिरिजनि 'सकल बन' नि मेथाइखौ रिलिज खालामनाय जादोमोन, जायखौ अन्सायगिरिफोरा जोबोद बाखायदोमोन। बेबादि थासारियाव आथिखालाव हिरामन्डी वेब सिरिजनि नैथि मेथाइ तिलस्वी बहनेखौबो रिलिज खालामनाय जाबाय। बे मेथाइयाव सनाक्षी सिन्हाखौ गावनि दोहोखौ दिन्थिनाय नुनो मोन्दो,

जेराव सन्जय लीला बान्सालीनि देंखोआ बे मेथाइखौ आरोबाव नायथावनासिन खालामदो। रोजाबगिरि सरमिष्ठा चेटार्जीआ तिलस्मी बाहे मेथाइखौ रोजाबदो आरो मेथाइ लिरगिरि एएम तुराजआ बे मेथाइखौ लिरदो। हिरामन्डी वेब सिरिजनि बे मेथाइया जोबोद सोमोनांथाव। रिलिज जानाय लोको लोको, हिरामन्डी वेब सिरिजनि तिलस्मी बाहे मेथाइया सशेल मिडियाआव भाइरेल जागासिनो दं। बे वेब सिरिजआ पाकिस्ताननि रेड लाइट ओन्सोलाव देहा फालांगि खालामग्राफोरनि सल'खौ दिन्थिगोन। बे वेब सिरिज रिलिजनि अक्ट'खौ दासिमबो फोसावनाय जायाखेब्लाबो, बेखौ हमदांनाय जादोदि, बे वेब सिरिजखौ नेटफिलक्सआव 1 मेआव रिलिज खालामनो हागो।

प्रियंका चप्राया सावथुन मुलुगाव आगान होफिनबाय



थानाय दानाव प्रियंका चप्राया गावनि फिसाइ निक जनास आरो फिसाजो मालती मेरीजो लोकोसे भारतआव फेदोमोन। फावखुंग्रिया मुम्बाइआव 10 निफ्राय 15 सानसो थादोमोन। बे समाव फावखुंग्रिया नख'रजो लोकोसे हलि फोर्बोखौबो फालिदोमोन आरो फंवाय सिद्धार्थ चप्रानि जुलि फोर्बोआवबो बाहागो लादोमोन। 30 मार्चखालि फावखुंग्रिया आमेरिकायाव थांफिनदोमोन। बेबायदि थासारियाव फावखुंग्रिया फिन खेबसेबाव गावनि खामानियाव आगान होफिनबाय। फावखुंग्रिया बे फोरमायथिखौ गावनि सशेल मिडियाआव फोसाव। प्रियंका चप्राया गावनि फेनो गोनां सावथुनखौ फोसावदो, जायखौ नुनानै फावखुंग्रिनि अनसाइगिरिफोरा जोबोद गोसो गुदु जादो। प्रियंका चप्राया गावनि इन्स्टाग्राम स्ट'रियाव मोनसे सावगारि शेयार खालामनानै गावनि हलीनि मावथांखिनि मोनसे नुथाइखौ दिन्थिदो। सावगारिखौ शेयार खालामनानै फावखुंग्रिया केप्सनाव लिरदोदि, 'जो फेफिनबाय'।

हिन्दुस्तान रिपर्टनि बायदिब्ला, प्रियंका चप्राया सन्जय लीला बान्सालीनि फेनो गोनां बाहागोआरि जानो हागो। बिथांजोआ आथिखालाव गोबां स्क्रिप्टफोराव खामानि मावगासिनो दं आरो मोनसे मावथांखिनि थाखाय सन्जय लीला बान्सालिखौबो लोको हमदो। आथिखालाव प्रियंका

चप्राया बलिउडजो लोकोसे हलीउडनि मावथांखिफोरावबो मुखुब जाना। बावैसो सिगां, प्रियंका चप्राया प्राइम भिडिअनि हाबाफारियाव बाहागो लादोमोन। बे हाबाफारियाव बिथांजोआ गावनि 'उमेन अफ माइ बिलियन' सावथुनखौ फोसावदो। बे सावथुनखौ प्राइम भिडिअआव रिलिज खालामनाय जागोन।

पृथ्वीराज सुकुमारनआ अक्षय कुमार आरो टाइगर श्रफरवो बारनायदो

'बड़े मियां छटे मियां' सावथुना गोबां सावययजागासिनो दड। माखासे साननि उनाव बे सावथुना रिलिज जानो थांगासिनो दड। बेबादि थासारियाव सावथुननि कास्टफोरा सावथुननि फोसावनायाव मुखुब जानानै दड। बे सावथुनाव दुथांनि फाव खालामनाय पृथ्वीराज सुकुमारनआबो आथिखालाव गोबां सावययजागासिनो दड।

पृथ्वीराज सुकुमारनआ टाइगर श्रफरखौ इयुननि सुपारस्टार होन्ना नै बुंदो। इन्डिया टुडेजो सावरायनायाव पृथ्वीराज सुकुमारनआ बुंदोदि, 'गावनि केरियारनि थाखाय बिथाड जैरेबायदियै नांथाबना थायो बेयो थारैनो बाखायजाथाव। बिथांनाव सासे सुपारस्टार जानो थाखाय गासैबो सुनफोरा दड।' पृथ्वीराज सुकुमारनआ अक्षय कुमारखौबो बाखायदो। अक्षय कुमारजो खामानि मावनायनि सोमोन्दै बिथाड बुंदोदि, 'बड़े मिया छटे मियां' सावथुननि सिगांबो बिथांमोना सानैजो खामानि मावखांबाय। पृथ्वीराज सुकुमारनआ 'नाम शबाना' सावथुननि थाखाय मोनसे केमिय' फाव खालामनायाव सेबखांनाय समनि बाश्वाखौ फोरमायदो, जायखौ अक्षय कुमारआ दिहुनदोमोन। बे समाव बिथांमोना सानैजो जयै खामानि मावदोमोन। अक्षय कुमारनि रटिनखौबो बाखायनानै बिथाड बुंदोदि, जोबोद बाडइ सुबुफोरा मिथिगोदि, अक्षय कुमारआ अफ



केमेरानि समाव माबोरै थायो। बिथाड सेटआव जेब्लायबो एफ्टिबै थायो। बिथांखौ

माब्लाबाबो मॅनाय आरो बानाय नुनो मोना। गोबां समावनो फुनि 4 रिंगायाव गावनि वार्क

आउटखौ फोजोबखांनयनि उनाव, 7 रिंगायावनो शूटिनि थाखाय थियारि जायो।

फावखुंगुर आशुतष राणाया महाकालनि दर्शन खालामनो थाखाय श्री महाकालेश्वर थानसालिआव थांदो

बलिउडनि फावखुंगुर आशुतष राणाया महाकालनि दर्शन खालामनो थाखाय मध्य प्रदेशनि उज्जैनआव सौहैदोमोन। बिथाड श्री महाकालेश्वर थानसालियाव हाबनानै महाकालनियाव आर'ज गावदोमोन। थानसालिनिफ्राय आशुतष राणानि सावगारि आरो भिडिअफोरा सशेल मिडियाआव भाइरेल जागासिनो दड। सावगारिफोराव आशुतष राणाखौ थानसालियाव गुफुर पायजामा कुर्ता आरो गोसोम गावनि नेहरु जेकेट गान्ना जिरायना थानाय नुनो मोन्दो। आशुतष राणाया भम्स आरतीआवबो बाहागो लादोमोन। फावखुंगुरआ



भम्स आरतीनि उनाव बिथाड श्री महाकालेश्वर थानसालिनि गोथार थानसालियाव सौहैयो आरो बाबा महाकालनि फुजा खालामना बोर बियो। फावखुंगुरआ गावनि बे दावबायनयानि सोमोन्दै गावनि मोन्दांथिखौबो

फोरमायदो। थानसालिनि पुजारिनि बायदिब्ला दोरोंखौ मानिनानै ब्रह्म मुहूर्तआव बाबा महाकालनि थानसालिनि दरजाफोरखौ खेवनाय जायो। बिन उनाव भगवान महाकालखौ गायखेर, दही, गिहि, सिनि,

बेरेमोदें आरो पन्चामृतजो अभिषेक खालामनाय जायो। जोबनायाव महादेबनि भास्मा आरतीखौ दल आरो शंख दामनानै खालामनाय जायो। आशुतष राणाखौ 'वार-2' सावथुनाव थाबैनो नुनो मोनगोन।

माहाम देहानि राहा

इलायची जायोब्ला देहानि थाखाय गोबांथार मुलाम्फा मोनो हायो

माखासे सुबुफोरा इलायचीखौ माउथ फ्रेशनार महरै बाहायो। जाग्रा आदार जाखांनयनि उनाव इलायचीखौ जायोब्ला आदारआ गोलैयै हजम जायो। जाग्रा आदार जाखांनयनि उनाव इलायची जानाया नोंथानो गोबां मुलाम्फा होयो। इलायचीआ मोनसे मिथिगायारि माउथ फ्रेशनार। बेखौ जायोब्ला खुगानिफ्राय फे नाय गाजि मोनामनायफोरखौ जानगार खालामनो हायो। इलायचीआ हजम जानाय खान्थिखौबो गोखौ कालामो। इलायची जायोब्ला नोंथाड मा मा मुलाम्फा मोनो हागो बेखौ मिथिनाया गोनांथार। (1) इलायचीआव एन्टिअक्सिडेन्ट मोन्नाय



जायो। बेयो रोदाखौ गोखोडै लाखिनायाव मुलाम्फा गोनां। (2) हरनि समाव इलायची जायोब्ला नोंथाड मोजाडै उन्दुनायाव मदद मोनो हायो। बेनिखायनो नोंथाड हरनि जाग्रा आदार जाखांनयनि उनाव गरसे एबा गरनै इलायची जानो हायो। (3) इलायचीआ बिखानि थाखायबो जोबोद मुलाम्फा गोनां होन्ना नै मानिनाय जायो आरो बेयो गोदोनायाव जानाय

सानायखौबो बाडाइ खालामनायाव मदद होयो। (4) इलायचीआव पेटेसियाम आरो मेग्नीसियामबो थायो। बेयो ब्लाड प्रेसारखौ सामलायनायाव हेफाजाब होयो। (5) इलायचीआ आस्थमा बेरामिफोरनि थाखायबो मुलाम्फा गोनां। मानोना इलायचीनि बेगरफोरा देहाखौ गुदुडै लाखिनायाव मदद होयो।

'सन अफ सरदार 2' सावथुनाव सनाक्षी सिन्हाखौ नुनो मोन्नाय नडा

अजय देबगाननि 'सन अफ सरदार' सावथुना बक्स अफिसआव जापुंसारनो हादोमोन। आथिखालाव बे सावथुननि सिक्वेल्नि सेबखांनयनि थाखाय थागथियारिया थाबैनो जागायनो थांगासिनो दड। रिपर्टफोरनि बायदिब्ला, अजय देबगानआ फेगो बोसोरनिफ्राय बे सावथुननि सेबखांनयखौ जागायगोन। फावखुंगुरआ 'सन अफ सरदार 2' सावथुनखौ



आबुडै मोनसे गोदान टीमजो बानायगोन। बे सावथुनाव

दिथागिरिनिफ्राय लानानै कास्टफोरसिम गासै टीमआनो गोदान जागोन। पिक भिलानि रिपर्टनि बायदिब्ला 'सन अफ सरदार 2' सावथुनाव सन्जय दत्त आरो सनाक्षी सिन्हाखौ नुनो मोन्नाय नडा। अजय देबगानआ सोलिफु बोसोरनि जुननिफ्राय लन्डनाव बे सावथुननि सेबखांनयखौ जागायगोन। रिपर्टफोरनि बायदिब्ला, पान्जाबी सावथुन मुलुगनि दिथागिरि बिजय कुमार अड्डाआ बे सावथुनखौ दिथा होनो हागो। आथिखालाव अजय देबगानआ 'सिंघम एगोन' आरो 'रेड 2' सावथुननि सेबखांनयाव मुखुब जाना दड। बे मोनै सावथुननि सेबखांनया मे दानसिमाव आबु जागोन होन्ना खौरां मोन्नाय जादो।

सिंगापुराव नख 'रनि खामानि मावग्रा लेबारफोरखौ थ 'गायनाय जाथाया 18 जौखोन्दो बांदों:सुलुं

सिंगापुर, 4 एप्रिल : भारतआव जेब्लायबो मोनसे नडा मोनसे गेनाखाथि खालामनायनि केस एबा थ 'गायनायनि केसआ सोराडव फेयो। नाथाय भारतनि अनगायै मुलुगनि गासैबो हादतआवनो गेना-खाथि एबा थगायनायनि केसआ सोराडव फेनायखौ जौनि गोबांआनो नोजेर होया। बेबायदि गोबां केस नुजाथिनाय हादतफोरनि गेजेराव सिंगपुराबो दरसे। सिंगपुराव थ 'गायनाय सुबुंफोर गोदान गोदान राहाजों सुबुंफोरखौ गावसोरनि खैसाव फोनांनो आरो बिसोरनिफ्राय गोबां रांखाथि लुथिना लाडो। गेना-खाथिनि केसआ सिंगपुराव औरैबायदि मोनसे गिदिर जेना जानाई फैबायदि, नख 'र मन्थिया संसदआव बै आयदानि बागै मिबथिहोने गोनां जानाई फैदों। नख 'र मन्थि केसन मुगानआ संसदआव बै आयदाखौ दैखानाई बुंदोंदि, सिंगपुराव थानाय बोसोराव 500 गुबुन राइज्योआरि नख 'रि लेबारफोरा बेबायदि थ 'गायनायजों मैहुर जानांदों। सिंगपुराव बांसिन नख 'रनि खामानि मावग्राफोरा भारत, श्रीलंका आरो खोला सान्जा



एसियान हादतफोरनिफ्राय थानाय। संसदआव बुधबारखालि मोनसे सौंथिनि फिन्नाय होनाई नख 'र मन्थिया बुंदोंदि, एजेन्सिफोरा सिंगपुराव खामानि मावबाय थानाय लेबारफोरनि थाखाय नेम-खाथि बायदियै एन्टि फ्रड एवार्नेस केम्पेन खालामो। 2023 आव सा 500 गुबुन राइज्योआरि नख 'रनि खामानि मावग्राफोरा बेबायदि थ 'गायनायजों मैहुर जानांदों। बे अन्जिमाया 2022 नि रुजुनायाव 18 जौखोन्दो बांसिन, जेराव थ 'गायनाय एबा गेना-खाथिनि 423 केस थिसनजादोंमोन। बिथाडा बेबायदि केसफोरव लेबारफोरनि गेजेराव सांग्राथि बांहोनायनि

सायाव खालामनाय मोनसे सौंथिनि लिटरनाई होनाय फिन्नायाव बुंदोंदि, सुबुं गोहो मावख 'नि मोनसे हाबाफारिनि गेजेराव खामानि मावग्रा एबा लेबारफोरनो औरैबायदि राहाखौ फोरेंनाय जायो, जायजों बिसोरो बेबायदि थ 'गायनायजों मैहुर जानांनयनिफ्राय बाग 'नो हायो। दा स्ट्रेटस टाइम्सनि खौरां बायदिब्ला मन्थि सनमुगामआ बुंबावदोंदि, लेबारफोरखौ

थ 'गायनायनि गोदान आदबफोरनि बागैबो फोरमायनाय जायो। जाहाथे बिसोरो थ 'गायनायखौ मिबथिनो हायो आरो गावसिनि गेजेराव बेबायदि थ 'गायनायखौ होबथानायव बिबानगिरिफोरखौ मदत होने हायो। 2023 आव जानाय थ 'गायनाय केसनि अन्जिमाफोरनि बायदिब्ला बेबायदि केसनि अन्जिमाया 46,563 मोन।

ताइवानआव बांग्रिजों सा 9 सुबुंफोरनि जिउ गोमादों, सा 50 सुबुंफोरा गोमानाई दड'

ताइपे, 4 एप्रिल: ताइवानआव थानाय बुधबारखालि फेनाय 25 बोसोरनि बयनिखुइबो गोहो गोरा बांग्रिआ सुबुंफोरखौ गिहोदों। फुनि 8 रिगायाव 7.4 गोखैथिजों फेनाय बांग्रिजों दासिमाव सा 9 सुबुंफोरनि जिउ गोमायो आरो सा 900 निखुइ बांसिन जोखोम जायो। बेराफासै, सा 50 हटेल मावसुमाफोरा गोमाना दड' आरो सा 77 सुबुंफोरा सुरंग आरो बिल्डिंफोराव थाबथाना दड'। बांग्रिनि उनाव सुनामीनि सांग्राथि होनायनि दसे उनाव बोखाना लाफिनो। आथिखालाव जापाननि बोरियाव गोजौ दोहौ सोमजिदों। बे जाथायनि उनाव रैखाथि मावसुमाफोरा सुबुंफोरखौ रैखाथि दिहुनायाव नांथाबो। भारतनि पिएम मदिआ एक्सयाव होनाय पस्टआव बुडोंदि, भारतआ बे अलखद समाव ताइवाननि सुबुंफोरजों लोगोसे गसफादों। बेराफासै, ताइवाननि लेडाइ हादतगिरि लाईचिं-तेआ बेनि थाखाय मदिनो साबायख 'र बावयो। बे बांग्रिनि मिरुआ



राजथावनि ताइपेनिफ्राय 150 किल 'मिटर गोजान ताइवाननि सान्जा बोरियाव थानाय गामियायि हाजोयारि सहर हिलिएनआवमोन। जापान आरो फिलिपाइन्सयाव गोखों सुनामिनि एलाट फोसावदों, जायखौ उनाव बोखाना लाफिनो। मख 'नो गोनांदि, ताइवानआव बांग्रि फेबाय थयो। नाथाय बेयो 1999 नि उनाव फेनाय बयनिखुइबो गोहो गोरासिन बांग्रिमोन। बे बांग्रिजों माखासे गोजाम बिल्डिंफोरा बायग्रबो। बे बांग्रिनि उनाव स्कुलनिफ्राय गथ 'फोरखौ दिहुनानै फोथारव लाना थाडो। लोगोसे मोन 24 जायगाफोराव हा गिसिखानाय जाथाया

हादतनि दर 9 राइज्योफोराव बिदुडा 43 डिग्रीसिम दावखोबाय

गोदान दिल्ली, 4 एप्रिल: हादतनि माखासे राइज्योफोराव जोबोद गरम गोग्लैगासिनो दड'। बोथोर बिफाननि फार्सेनिफ्राय होनाय खौरनि बायदिब्ला, झारखान्ड, तेलेंगाना आरो रायलसिमायाव 4-6 एप्रिलनि समाव आलादा-आलादा जायगाफोराव दुंखावनाय थासारि सोमजिगोन। बे ओन्सोलफोराव फेगो सानथामनि गेजेराव 2-3 डिग्री सेल्सियास बिदुडाव बांनो हागौ। सा कर्नाटक, बेरियारि अन्ध प्रदेश, यनम, गंगीय सोनाब बंग आरो उरिष्यायावबो 7 एप्रिलसिमाव दुंखावनाय बायदि थासारिया सोलिबाय थागोन। बेयाव गोखों सान्दु ओंखारगोन। बेनि जाहोनाव गरमाव बांनयखौ नुनो मोन्ने हागौ। बेनि अनगायै केरेला, माहे, तामिलनाडु, पडुचेरी आरो कर्नाटकलाव 7 एप्रिलसिमाव गरम बोथोरा सोलिनो हागौ। बोथोर बिफाननि बायदिब्ला,



थानाय 24 घन्टायाव रायलसिमायाव गिखंथाव गरमखौ नुनो मोन्दों। नान्डपालयाव मेक्सिमाम बिदुखौ 43 डिग्री सेल्सियासै दिखानो मोन्नाय जादों। बेयफासै कर्नाटक, गेजेर महाराष्ट्र आरो विदर्भ ओन्सोलफोराव मेक्सिमाम बिदुखौ 42 डिग्रीनि गोजौआव दिखानो मोन्दों। बिफाननि बायदिब्ला, आसाम

आरो मेघालयाव दिने आरो गाबोन अखा हानो हागौ। फार्सेथि, अरुणाचल प्रदेशआव 7 एप्रिलसिमाव गोबां अखाजों लोगोसे बरफ गोग्लैनायनिबो एलाट फोसावयो। आसाम, मेघालय, नागालेण्ड, मणिपुर, मिजoram आरो त्रिपुरयाव 9 एप्रिलसिमाव सरसनन्थानिफ्राय गेजेर थाखोनि अखा हागोन। 6-9 एप्रिलसिमाव सोनाब बंग,

उरिष्या, झारखान्डयाव अखा खोरमनाय आरो मोफलामनायजों लोगोसे सरसनन्थानिफ्राय गेजेर थाखोनि अखा हानो हागौ। बेराफासै, बिहारव 7 आरो 8 एप्रिललाव अखा हानो हागौ। दिल्ली-एनसिआरआव बुधबारखालि मेक्सिमाम बिदुखौ 36.6 डिग्री सेल्सियासै दिखानो मोन्नाय जायो, जाय बे बोसोराव सरसनन्थानि बिदुनिफ्राय 3 डिग्री सेल्सियासनिखुइ बांसिन। बोथोर बिफानआ बृहस्पतिबारखालि दिल्लीयाव जोमै साग्लोबनायनि सन्देह फोरमायनाई मोक्सिमाम बिदुखौ 35 डिग्री आरो मिनिमाम बिदुखौ 18 डिग्री सेल्सियास थानो हागौ होना हमदादों।

मालद्विपनिफ्राय भारतयारि सान्थिफोरनि नैथि बेचखौ लाबोफिन्ना थियारि जाबाय

माले, 4 एप्रिल : मालद्विपनिफ्राय हादतगिरि महम्मद मुइजुआ बुंदोंदि, नैथि एभिएसन प्लेटफर्मआव थिसननाय भारतयारि सान्थि मावफारियाफोरखौ सोलिफु दानआवनो लाबोफिन्नाय जागोन। बे हाबाफारिया 10 मेसिमाव आबुडै जोबथागोन। मुइजुनि फिन्नाया मालद्विपआव थिसनजानाय सा 25 भारतयारि सान्थि मावफारियाफोरनि गिबि बेचखौ लाबोफिन्नायनि 3 सप्ताह उनाव सोराडव फैदों। हादतगिरिया बुंबावदोंदि, रादायनि गेजेरजों भारतयारि सान्थि मावफारियाफोरखौ लाबोफिन्नाया सिगानिफ्रायनो सोलिगासिनो दड'। नैथि प्लेटफर्मआव थिसनजानाय



सान्थिफोरखौ बे दाननि गेजेरावनो बोखारजोबनाय जागोन। फारसेथि थामथि प्लेटफर्मआव थिसननाय सान्थिफोरखौ 10 मेसिमाव बोखारनाय जागोन। फारसेबो हान्जानि गेजेराव 2 फेब्रुवारीआव गोदान दिल्लीयाव मोनसे गोजौ थाखोनि जथुमा खुंनयनि उनाव भारतआ 10 मेसिमाव मालद्विपआव मोन 3 एभिएसन प्लेटफर्मफोरखौ सामलायग्रा

गावनि सान्थिफोरखौ सोलियायनाय व गनायथिज्जलायदोंमोन। गिबि बेचआ 10 मेनि सिगां मालद्विपखौ नागारदोंमोन। मालद्विपआव 88 भारतयारि सान्थिनि मावफारिखौ गंनै हेलिकप्टर आरो गंसे डर्नियार उरांखौ सामलायदोंमोन। बिसोरो बैयाव सुबुंथियारि आरो फाहामसालि फसंथान सिबिथाइ होदोंमोन।

रासियानि रैखाथि मन्थिआ फ्रान्सखौ हुमखि होदों



मस्क, 4 एप्रिल: रासिया आरो इउक्रेनि गेजेराव दावहाया सोलिगासिनो दं। बे समावनो रासियानि रैखाथि मन्थिआ बुधबारव फ्रान्सनि समकक्षखौ टेलिफन खालामदों आरो इउक्रेनाव रोनियाफोरखौ दैथायहरनायनि बेरेखायै सांग्राथि होदों। रासियानि रैखाथि मन्थिआ बुंदोंदि, मास्कआ दावराव-दावसिखौ फोजेबनो सावरायनायाव बाहागो लानो थियारिमोन। रासियानि रैखाथि बिफाननि मोनसे बिबुंथिनि बायदिब्ला, रैखाथि मन्थि सगेंड शइगुआ फ्रान्सनि रैखाथि मन्थि सेबेरिस्टियन लेकर्नुनो बुंदोंमोनदि, जुदि पेरिसआ फ्रान्सनि इउक्रेनाव रोनिया दैथायहरनायनि बागै गावनि बिबुंथिखौ मानियो अब्ला बेयो फ्रान्सनि थाखाय जेना सोमजिहोगोन। गुबैयै फ्रान्सनि हादरगिरि इमानुएल मेक्र 'नआ फेब्रुवारीयाव बुंदोंमोनदि, इउक्रेनाव रोनिया दैथायहरनायनि जाथावनाखौ नेवसिनो हाया। रासियानि रैखाथि मन्थिआ फ्रान्सनि रैखाथि मन्थिजों मेक्र 'ननि बे बिबुंथिनि बागै रायज्जलायदोंमोन। अक्ट 'बर 2022 माइथायनि उनाव रासिया आरो फ्रान्सनि रैखाथि मन्थिफोरनि गेजेराव बेयो गिबि फन रायज्जलायनाय। शइगुआ इउक्रेनाव सावरायनो थाखाय रासियानि गनायथि फोरमायदों। बिथाड बेखौबो बुंदोंदि, जेनेभायाव गोजोन सावरायनाया रासियानि बाहागो लायाजासे ओंथि गैयै जागोन। रासियानि रैखाथि मन्थिआ बुंदोंदि, मार्च 2022 माइथायाव इस्तानबुलआव जानाय रासिया-इउक्रेन सावरायनायनि सायाव बिथा खालामनाई आरोबाव सावरायबावनो हागौ। बे समावनो मिडिया रिपर्टफोरा बुंदोंदि, रासियाया इउक्रेनाव रोनिया दैथायहरनायनि सप्ताहफोरनि उनाव इस्तानबुलआव सावरायनाय ड्राप्टआ बुंदोंदि, इउक्रेना नाट'आव हाबनो थाखाय गावनि गोसो होनायखौ नागारगोन आरो गेजेरारि थागोन। बे सावरायलायनायनि उनाव जेबो गोरोबथायाव सौहेनो हायाखै आरो बे सावरायनाया गोरोबलायै जायाखेमोन। फ्रान्सनि रैखाथि मन्थि लेकर्नुआ 22 मार्चखालि मस्क' कनसार्ट हलआव गाग्लोबनायखौ दुखु फोरमायो, रासियानि रैखाथि मन्थि बिफाना बुधबारव मोनसे कलआव बुंदोंमोन। बे गिखंथाव गाग्लोबनायाव सा 145 सुबुंफोरा जिउ गोमादोंमोन।

गोदान जोलैनि बेलिस्टिक मिसाइल अग्नि प्राइमखौ जाफुंसार महरै आन्जाद नायबाय

गोदान दिल्ली, 4 एप्रिल : स्ट्रेटिजिस फर्सेश कामान्डआ डिआरडिअजों लोगोसे गोरोबलायनाई मैया (बुधबार) खालि बेलीसिनि 7 रिगायाव उरिष्यानि बोरियाव रु एपिजे आब्दुल कालाम द्विपनिफ्राय गोदान जोलैनि बेलिस्टिक मिसाइल अग्नि-प्राइमखौ जाफुंसार आन्जाद नायो। रैखाथि बिफानआ बे आन्जाद नायनायनि खौरां होदों। बे लन्च खालामनाय जायगायाव चीफ अफ डिफेन्स स्टाफ जेनेरेल



अनिल चौहान, स्ट्रेटिजिक फर्सेज कामान्डनि गाहाइ डिआरडिअ आरो भारतयारि सान्थिनि गागि बिबानगिरिया बाहागो लादोंमोन। रैखाथि मन्थि

महिन्द्राआ एसइउभि 3 एक्सअ' गारिफोरखौ दिहुन्दों

गोदान दिल्ली, 4 एप्रिल: हादतनि गाहाइ गारि बानायग्रा महिन्द्रानि फार्सेनिफ्राय भारतआरि बाजाराव थाबैनो गोदान एसइउभिखौ लाबोनो थियारि खालामगासिनो दड'। कम्पनीआ बावैसो समाव सशेल मिडियाआव मोनसे 30 सेकेण्डनि भिडिअ फोसावयो, जेराव गोदान एसइउभि 3 एक्सअ'नि गिबि महरखौ दिन्थियो। कम्पनीआ गोदान एसइउभिखौ थाबैनो भारतआरि



बाजाराव लाबोनो हासिगौ। महिन्द्रानि फार्सेनिफ्राय फोसावनाय भिडिअनि गेजेरजों कार्नेक्ट सि शेष टेल लाइव्स, रियार वाइफार, फ्रन्त्याव ब्लेक गाबनि ग्लसो फिनिश ग्रिल, ड्रप डाउन एलइडि डिआरएस

एलइडि हेडलाइट्स, भेन्टिलेटिड सिस्टम, ग्लसि फिनिश अलय व्हील्स बायदि फिचरफोरनि खौरां मोनगासिनो दड'। बेजों लोगोसे बेनि रियाराव एक्सइउभि 3 एक्सअ' मुंखौ रोखायै नुनो मोन्ने हागौ। कम्पनीनि

फार्सेनिफ्राय दासिमबो बेनि सोमोन्दै जेबो खौरां होयाखै। नाथाय एसइउभि 3 एक्सअआ थाखानाय कम्पेक्ट एसइउभि एसइउभि 300 नि जायगा लानो हासिगौ। जायजों बे गोदान एसइउभिआ बाजाराव मिरुनि, टाटा, टयटा, किआ, हुन्डाइनि कम्पेक्ट एसइउभिखौ गोखैयै सेलेन्स होगोन। मिडिया रिपर्टनि बायदिब्ला, महिन्द्रानि गोदान एसइउभिखौ 29 एप्रिलसिमाव भारतआरि बाजाराव लन्च खालामनो हागौ। लन्चनि कम्पनीनि फार्सेनिफ्राय बेनि बुकिंखौबो जागानो हासिगौ।

भारतनि सार्थिस सेक्टरव लान्थियै बांनयखौ नुनो मोनगासिनो दड'

गोदान दिल्ली, 4 एप्रिल: रांखाथि बोसोरनि जोबथा दान एबा मार्च दानाव सार्थिस सेक्टरव बांनयखौ नुनो मोन्दों। थानाय मार्च दानाव भारतनि सार्थिस सेक्टरआ 13.5 बोसोरनि जौसिन थाखोआव सौहैयो। मोनसे सार्थेनि बायदिब्ला, गोखैयै दाबि दैखानायनि जाहोनाव फानाय आरो फालांगियारि हाबाफारिफोराव गोखैथि फैदों। बे बांनया सार्थिस सेक्टरव बांनयखौ मोनहोनायाव मदत खालामदों। एड्सएसबिसि इन्डिया सार्थिसेज बिजनेस एक्टिविटी इन्डेक्सआव फेब्रुवारी दानाव 60.6 निखुइ बांनानै मार्च दानाव 61.2 जायो। बे गासै 14 बोसोराव गासै फानाय आरो फालांगियारि हाबाफारियाव बयनिखुइ गोखैयै बांनयफोरनि गेजेराव मोनसे। पिएमआइनि रावयाव 50 निखुइ जौसिननि



ओंथियाव बांनय आरो 50 गाहाय थाखोआ जौसिननि ओंथिया बांनय आरो 50 नि गाहाय थाखोआ दावखलायनाय। थानाय फेब्रुवारी दानाव सरसनन्थानि दावखलायनायनि उनाव मार्च दानाव भारतनि सिबिथाइनि पिएमआइआ बांदों। गोखोडै दाबि दैखानायनि जाहोनाव फानाय आरो फालांगि हाबाफारियाव बांदों। सिबिथाइ होग्राफोरा दिहुन्थाय गोहोखौ बांहोनो थाखाय थानाय 2023 नि आगस्ट दाननि उन्निक्रय बयनिखुइ गोखै थिसननाया

बांदों। सार्थेनि बायदिब्ला, सार्थिस सेक्टरव बांनयनि गाहाय जाहोना सावसियारि दाबि दैखानायनि थासारि, गोहोआव बांनय आरो फानाया जौगाखांदों। बेनि अनगायै कम्पनीफोर मार्च दानाव गोदान अर्डर मोन्दों आरो बेजोंबो बांसिनै जौगाखांदों। थानाय 2010 नि जुन दाननि उन्निक्रय जौगाखानायनि हारआ बयनिखुइ साबसिननायफोरनि गेजेराव मोनसेमोन। थानाय 2014 नि सेप्टेम्बरनि उन्निक्रय गोदानै गुबुन हादतयाव दैथाय हसनाय फालांगिया बयनिखुइ गोखैसिनै बांदों।

मबाइल मोनैयाव 12 बोसोर बैसोनि हौवासाया सुइसाइड खालामदों

लाहोर, 4 एप्रिल: पाकिस्ताननि रायविन्ड सहरआव सासे 12 बोसोर बैसोनि हौवासाआ सुइसाइड खालामनाई लादों। अदेबानि बिनि बिमाया बिनो फन होनो नेवसिगारदोंमोन। बेनि उनाव हौवासाआ बेरानि औवाआव खानाय दुरजों फासि नांनानै जिउ फोजोबना लायो। जेब्ला हौवासाआ बिमानाव फन

बियो अब्ला बिमाया फन होनो नेवसिगारो। बेनि उनाव बिमाया खाथिनि न'आव थाडो। जेब्ला बियो फेफिनो अब्ला बिनि फिसाज्जलानि गोथै सहखौ आलायना थानाय महेर नुफेयो। पुलिसआ बे जाथायखौ नायबिजिरनो जागायो आरो जाथाय जानाय जायगानिफ्राय फोरमान बुधुमगासिनो दड'। बेनि



सिगां लाहरनि मुगलपुरयाव मोनसे सुइसाइड केसआ

नुजाथिदोंमोन, जेराव 33 बोसोर बैसोनि आइजो

मुम्बाइ इन्डियान्सआव गोखों गेलेगिरिआ एन्ट्रि जासिगोन

गोदान दिल्ली, 4 एप्रिल: हार्दिक पन्डियानि केप्टेनआव मुम्बाइ इन्डियान्सनि हान्जाया थानाय माखासे सानफोराव मिर्जिथि बादि दिन्थिफुंनो हायाखै। जाउनाव हान्जाया सोलिफु बोसोरनि आइपिएलआव लान्थिथ्रयै खेबथाम मेच जेनानै पइन्टनि फारिआव जोबथा नम्बरआव जायगा मोन्दों। सोलिफु बोसोरनि आइपिएलआव जायगा मोन्नाय मोन 10 हान्जाफोरनि गेजेराव मुम्बाइनि हान्जायाल' एरैबादि मोनसे हान्जा जानानै दड, जाय दासिमबो देरहानो हायाखै। बेबादि थासारियाव गोखों गेलेगिरिनि बाहागो जागोननि खौराडा अन्सायगिरिफोरनि गेजेराव गोजोन्याय लाबोदों। मिथिनो मोन्नाय बादिब्ला, सुर्य कुमार यादवआ थाबैनो हान्जायाव बाहागो जानो हासिगौ। सुर्य कु मारआ आथिखालाव आइपिएल 2024 आव गेलेनो थाखाय थियारि जागासिनो दड। रिपटनि बादिब्ला, बिथांनो



एमसिएनिफ्राय गनायथि होनाय जाबाय। जाउनाव बिथाडा गावनि हान्जाजों बाहागो जानो गेलेनो हासिगोन। सुर्य कुमारखौ 5 एप्रिलखालि हान्जाजों ऑखारनाय नुनो मोनो हागौ। मख'नो गोनां बाश्रादि, बेनि साननै उनाव थामहिनबा फैगौ 7 एप्रिलखालि मुम्बाइनि हान्जाया गावसोरनि खेबसे मेच गेलेबावगोन। बे मेचआ मुम्बाइनि वन्केडेस्टेडियमआव दिल्ली केपिटेलसनि हेंथायै

जागोन। बेयाव गोबाडानो सुर्य कुमारनि मोजां फर्मखौ नुनो मोनगोननि मिर्जिथि लादों। आइसिसि टी-20 रेंकिंआव नम्बर 1 बेटसमेन मासि मोन्नाय सुर्य कुमारआ थानाय गोलाव समनिफ्रायनो जोखोमनि जाउनाव फोथारआव ऑखारखै। जोबथा खेब बिथाडा 2023 नि डिसेम्बर दानआव खोला आफ्रिकानि हेंथायै गेलेदोंमोन। जेवाव बिथाडा थामथि टी-20 इन्टरनेसनल मेचआव सेन्सुरि

लाखिदोंमोन। बे सिरिजनि समावनो बिथाडा जोखोमआव गोखौयै आरो उनाव सार्जिरी खालामजानाडो। बेबादि थासारिनि उनाव सुर्य कुमारआ स्पर्टस हार्नियाआव अपारेसन खालामजानाडो। फोरमायनाय बादिब्ला, हान्जाजों बाहागो जानानै बिथाडा प्रेक्टिस सिजनआव बाहागो लानायनि उनावनो गावनि मेचआव बाहागो जागोननि सायाव थिरांथा लागोन। बेबादि जायोब्ला सुर्य कुमारआ आइपिएलआ थामथि नम्बरआव बेटिं खालामगोन। आथिखालाव मुम्बाइआ खेबथामबो मेच गेलेनायाव थामथि नम्बरआव नमन धीरखौ बेटिं खालामहोदों। गिबि मेचआव नमनआ 20 रन, नैथि मेचआव 30 रन आरो ब्रैथि मेचआव बिथाडा 0 रनआवनो पेभिलियनसिम गिदिनादों। बेबादि थासारिआव केप्टेनआ बिथांनो हान्जानिफ्राय जानगारआव लाखिथ 'नानै प्लेइं 11 आव सुर्य कुमारखौ सोफानो हासिगौ।

भारतीय हौवा हकी हान्जानि लेडइ केप्टेन हार्दिकआ जुगराज सिंहखौ बाखायदों

गोदान दिल्ली, 4 एप्रिल: भारतीय हौवा हकी हान्जानि लेडइ केप्टेन हार्दिक सिंहआ गावनि बिमाय आरो भारतनि बारग' ड्रेगफ्लिकार जुगराज सिंहनिफ्राय नांगोबादि मदद मोनबोनायखौ बाखायदों। हार्दिकआ फोरमायनाय बादिब्ला, बिथांनि सुबुरुन मोनामोनब्ला 2017 आवनो गाव नेडारलेन्डआव थंगोमोन। मानोना बै समाव गाव केम्पआव जायगा आवग्रिनयनि थाखाय गोबाब नाजादोंब्लाबो जाफुंसारनो हायाखैमोन। भारतीय हकी हान्जानि लेडइ केप्टेन हार्दिकआ सोमोन्दोआव जुगराज सिंहखौ बिमाय जायो। जलन्धरनि कुसर'पुर गामियाव जोनोम मोन्नाय मिडफिल्डर हार्दिकआ गावनि जिउआव बिमायनि थुलुंगा आरो सुबुरुन गैयामोनब्ला माब्लाबाबो भारतीय हान्जायाव गेलेनायनि खबु मोन्नाय नडमोन होनानै फोरमायो। खौरागिरिनि



सोंथिआव हार्दिकआ गावनि 14 बोसोर बैसोआवनो महाली हकी एकाडेमिजों सोमोन्दो लाखिनायखौ फोरमायनानै बेनिफ्राय साब जुनियरनिफ्राय जिगायनानै सिनियर लेभेलसिम बिमायनि सुबुरुनजों आवगायनो हानायखौ फोरमायो। अब्लाबो माखासे बोसोरनि उनाव गावनि जिउआव भारतीय हान्जायाव जायगा आवग्रिनो हायैनि थाखाय गोसो बायनाय थासारि फे नायखौ मिथिहोनानै बै समफोराव बिमायनि सुबुरुनजों गोसो हमथानो हानायखौ

फोरमायदों। जुगराजआ फोरमायनाय बादिब्ला, बै समाव बेफोरबादि जेनानि थाखाय भारतनि जानानै गावनि हकी गेलेनायनि सिमाडा बायफलेबायमोन। नाथाय बे समावनो बिमाय जुगराजआ गावखौ मोजां लामाजों दावगानो थाखाय नोजोरथि लाखिदों। हार्दिकआ फोरमायनाय बादिब्ला, बिमायआ बे समाव भारतीय हान्जायाव जायगा मोन्नो थाखाय बिमायनिफ्राय साबसिनै दिन्थिफुंनो सुबुरुन मोन्नायखौ मिथिहोयो। जायनि

उनाव गावनि केरियारनि समाव 18-19 बोसोरसोआव गावयारि फोथायनाय पैफिन्नायखौ फोरमायो। सिगां फार्से हार्दिकआ फोरमायबावनाय बादिब्ला, बिमायआ गावनि बैसोनि सायावबो गोनांथियार सुबुरुन होदोंमोन। थामहिनबा उन्दै बैसोआवनो गेलेनायाव गोसो होनानै गावनि दिन्थिफुंनयखौ सोलायथारनांगोनि गोनांथिखौ मोन्दांथि होदोंमोन। मख'नो गोनांदि, थानाय माखासे सान सिगांसो हार्दिकआ इन्टरनेसनल हकी फेडरेशनजों लोगोसे हकी इन्डियानिबो बोसोरनि साबसिन गेलेगिरि बान्थानि थाखाय सायख'जादों। जुगराजआबो सासे गेलेगिरि महैर हार्दिकनि जाफुंसारनायनि सायाव गोजोन्याय फोरमायदों। लोगोसे बिथांनिफ्रायनो गोबां मिड फिल्डरफोरनि थुलुंगा मोन्नायखौ फोरमायो।

पेरिस अलिम्पिकआव बयनिबो नोजोरआ मिराबाइ सानुनि सायाव गोग्लैनो हागौ

गोदान दिल्ली, 4 एप्रिल: टकिय अलिम्पिकआव सिलभार मेडेल देरहानाय भारतनि आइजो वेटलिफ्टर मिराबाइ सानुआ थानाय समबारखालि आइडब्लिउएफ वर्ल्ड कापआव आइजोफोरनि 49 कि:ग्रा: लिरथायारि केटेयारिनि ग्रुप बिआव थामथि नम्बरआव जायगा आवग्रिनानै पेरिस अलिम्पिकआव गावनि मासिखौ रोखा खालामबाय। गोखों जानायनि जाउनाव 6 दाननि उनाव बाहागो जाफिन्नाय मिराबाइआ बे समाव गासै 184 कि:ग्रा: (81 कि:ग्रा: आरो 103 कि:ग्रा:) लिरथाय देखांनानै अलिम्पिकनि थाखाय क्वालिफाइ जायो। बे इभेन्टआ पेरिस अलिम्पिकनि थाखाय जोबथा आरो क्वालिफाइ मार्कनि क्वालिफायार टुर्नामेन्टमोन। गावनि इभेन्टखौ

फोजोबनायजों लोगोसेनो मिराबाइआ भारतीय अन्सायगिरिफोरनि गेजेराव गोदान मिर्जिथि लाबोदों। बे इभेन्टआ मोननै बाहागो लाथारनांगौ टुर्नामेन्ट आरो मोनथाम गुबुन क्वालिफायार इभेन्टआव बाहागो जानांगौनि फारिआव गोग्लैफायो। भारतआ 2017 वर्ल्ड कापआव मिराबाइनिफ्राय मिर्जिथिनि फिथाइ मोन्दोंमोन। मानोना 2017 आव सेम्पियन जानाय मिराबाइआ गावनि रेंगथिजों बयनिबो गोसोआव जायगा आवग्रिनानै दड। आथिखालाव आइजोफोरनि 49 कि:ग्रा: केटेगोरिआव अलिम्पिक क्वालिफिकेसन रेंकिंआव चीननि जियान हुइ हुआ गिबियाव जायगा मोन्नायनि उनाव नैथि नम्बरआव मिराबाइआ जायगा मोनो।



क्वालिफाइ जानाय गेलेगिरिफोरनि मावख'यारि फोसावनायखौ आइडब्लिउएफ वर्ल्ड काप इभेन्टआ जोबनायजों लोगोसेनो फोसावनाय जायो। मोनफ्रोम केटेगोरिनिफ्राय टप 10 वेटलिफ्टरफोरा पेरिस अलिम्पिकनि थाखाय क्वालिफाइ जागोन। मिराबाइआ बेनि सिगां जोबथा खेब थानाय

बोसोरनि सेप्टेम्बर दानआव एसियान गेम्सआव बाहागो लादोंब्लाबो जोखोमआव गोग्लैदोंमोन। बे जाहोननि थाखायनो बिथाडा इभेन्टआव मोजाडै दिन्थिफुंनो हायाखैमोन। मानोना बिथाडा खेब 5 लिरथाय देखांनायावबो मिर्जिथिसिम सौहैनो हायाखै। स्नेश आरो क्लीन एन्ड जार्कआव बिथाडा

मोजाडै दिन्थिफुंनयजों मिर्जिथिनि साखाथियाव सौहैयाखै। 29 बोसोरनि मिराबाइनि स्नेशआव साबसिन दिन्थिफुंनया 88 कि:ग्रा: जानानै दड। 2021 आव जालांनय एसियान सेम्पियनसिपआव मिराआ क्लीन एन्ड जार्कआव 119 कि:ग्रा: लिरथाय दैखांनानै वर्ल्ड रिकर्ड खालामदोंमोन। आथिखालाव बिथाडा जोखोमनिफ्राय जानगायव दड। जेराव बे मोजां देहाखौ बिथाडा जे खि-जाया थासारियावनो फेगौ जुलाइ दानसिम लाखिनो नाजागोन। मख'नो गोनांदि, मिराबाइआ पेरिस अलिम्पिकआव बाहागो लानो गोनां सासेल' भारतीय वेटलिफ्टर जागोन। बिथाडा थामथि खेब अलिम्पिकआव बाहागो लानाय महैर बे खेबआवबो मोजाडै दिन्थिफुंनो नाजागोन।



गोदान दिल्ली, 4 एप्रिल: कलकाटा नाइट राइडर्सआ आइपिएल 2024 नि 16 थि मेचआव दिल्ली केपिटेलसनि हेंथायै 20 अभासरआव 272 रन लानानै जासिमिन सोरजिदों। बे समाव 18 बोसोर बैसोनि बेटसमेन अंक्रिश रघुबन्शिआ गोखोडै बेटिं खालामदों। बिथाडा आइपिएलआव गिबि खेब बेटिं खालामनो ओ खारनायजों नो अन्सायगिरिफोरनि गोसोखौ देरहदों। थामहिनबा बे मेचनि समाव गावनि गिबि इन्सआवनो अंक्रिशआ लीगनि 16 बोसोरनि गोजाम रिकर्डखौ सिफायदों। बिथाडा बे मेचआव दिल्लीनि हेंथायै 27 बलआव

खेबबा 4 रन आरो खेबथाम 6 रन लानायनि मददजों 54 रन लाखिदों। बेजों लोगोसेनो बिथाडा आइपिएलनि जासिमिनआव केरियारनि गिबि इन्सआव हाफ सेन्सुरि लानाय लाइमोनसिन गेलेगिरि जानो हायो। अंक्रिशआ 18 बोसोर 303 सानआवनो बे जासिमिनखौ थिसन्दों। बेनि सिगां बे रिकर्डआ श्रीवत्स गस्वामीनि मुडाव दडमोन, जेराव बिथाडा 2008 आव 19 बोसोर 1 सानआव गावनि आइपिएलनि गिबि इन्सआव हाफ सेन्सुरि लादोंमोन। अंक्रिशआ 25 बलआव गावनि गिबि आइपिएल हाफ सेन्सुरिखौ लादों। बेजों लोगोसेनो बिथाडा

200 स्ट्राइक रेटजों आइपिएलआव हाफ सेन्सुरि लानाय लाइमोनसिन गेलेगिरि जायो। बे रिकर्डआ आइपिएल केरियारनि गिबि इन्सआव थिसनजानाय नैथि गोखैसिन हाफ सेन्सुरि लानायबो जानानै फेयो। बेनि सिगां 2008 आव जेम्स हप्सआ गावनि गिबि आइपिएलनि इन्सआव 24 बलआव हाफ सेन्सुरि लादोंमोन। कलकाटनि हान्जाया आइपिएल 2024 नि अक्सनआव अंक्रिशखौ 20 लाख रंआव हान्जाजों बाहागो खालामदोंमोन। मख'नो गोनांदि, अंक्रिशनि उन्दैनि कच अधिपेक नायआ आथिखालाव केकेआरनि हान्जाजों सापट स्टाफआव बाहागो जानानै दड। अंक्रिशआ भारतनि थाखाय आन्डार 19 वर्ल्ड काप 2022 आवबो गेलेदोंमोन। बे वर्ल्ड कापआव बिथाडा भारतीय हान्जानि थाखाय बांसिन रन लानाय बेटसमेन जादोंमोन। जेराव बिथाडा गावनि खेब 6 इन्सआव 278 रन लादोंमोन।

क्रिस्टियान' रनाल्डआ 72 घन्टानि गेजेरावनो डबल हेटिक खालामदों

माद्रिद, 4 एप्रिल: पर्तुगालनि स्टार फुटबलार क्रिस्टियान रनाल्डआ 72 घन्टानि गेजेरावनो नैथि हेटिक गल सोनानै गावनि क्लब अल नासेरखौ सौदि प्र: लीगआव अभानि हेंथायै 8-0 गल स्करिआव देरहाहोदों। खेब 5 बेलन डि अर बान्था देरहानाय रनाल्डआ मेचआव हेटिक गल सोनायनि अनगायै गरनै गलआव मददबो खालामदों। रनाल्डआ गरथामबो गलखौ गिबि हाफआवनो सोजोबदों। खेब 9 सौदि आरबनि सेम्पियन नासेरनि थाखाय सोलिफु सिजनआव बे हेटिकआ रनाल्डनि थामथि हेटिक गलमोन। बेनि सिगां थानाय शनिबारखालि अल टइनि हेंथायै 5-1 गल स्करिआव देरहानायबो रनाल्डआ हेटिक गल सोदोंमोन। बिथाडा लीगनि बे सिजनआव गल सोनायनि



हारआ गासै 29 सिम सौहैबाय। लोगोसे बेजोंनो लीगआव रनाल्डआ टप गल स्करर जानानै दड। रनाल्डनि उनाव लीगआव टप नम्बरआव जायगा आवग्रिनय अल हिलालनि आलेक्जेन्डर मित्रभिचआ जायगा मोनो। दासिमाव बिथाडा 22 गल सोबाय। नाथाय जोखोमनि जाउनाव बिथाडा आबु सिजननिफ्रायनो जानगारआव थाबाय। नासेरआ दासिमावबो

लीगआव 2 थि नम्बरआव दड आरहो अल हिलालनिफ्राय 12 पइन्ट उनाव दड। रनाल्डनि हान्जाया खेब 8 मेच लीगआव गेलेनांगौ मेच दंबावो। अभानि हेंथायै गेलेनाय मेचआव रनाल्डनि गिबि गरनै गलआ फ्री किकआव फेदोंमोन। बिथाडा मेचनि 11 थि मिनिटआव गोखों शटजों गल सोदोंमोन। 10 मिनिट उनाव रनाल्डआ गेलेगिरिफोरनि खर' सानि आगिस कर्नारजों गल

सोदोंमोन। बेनि अनगायैबो बिथाडा साडिय मानेनि गल सोनायावबो मदद होदों। गिबि हाफ जोबनायनि 3 मिनिट सिगां रनाल्डआ गावनि हेटिकखौ आबु खालामदों। नाथाय मेचनि गेजेर जर्जनिफ्राय बिथाडा फोथारनिफ्राय जानगारआव थादों। बे मेचआव अल सुलाहिमआ गिबि हाफनि 1 मिनिट सिगां गल सोनानै नासेरनि स्करखौ 5-0 सिम आवगायहोदों। सुलेमानआ बे गलखौ रनाल्डनि पासआव सोदोंमोन। रनाल्डआ जायखारनायनि उनावबो नासेरआ नैथि हाफआवबो गल सोनो हादों। बे समाव आबुल रहमानआ गल पस्टनि साखाथिनिफ्रायनो गल सोदोंमोन। गुबुन गलखौ ओन्सोलारि गेलेगिरि आबुल आजिज अल अलाइबाआ सोनो हादों।

पाकिस्तान हकी फेडरेशनआ रलेन्ट अल्टमेन्सखौ माहारियारि हान्जानि कच सायख'नो थारिख लादों

इस्लामाबाद, 4 एप्रिल: पाकिस्ताननि बारग' कच आरो मुंदांखा डाच कच रलेन्ट अल्टमेन्सखौ माहारियारि हान्जानि कच बानायनो थाखाय पाकिस्तान हकी फेडरेशनआ सोमोन्दो लाखिदों। पाकिस्तान हकी फेडरेशनआ मालएसिया आरो पलेण्डआव फेगौ जुन दानआव जानो गोनां आजलान साहा काप आरो नेसन्स कापनि थाखाय माहारियारि हान्जानि कच सायख'नायनि मुखुब जानानै दड। पाकिस्तान हकी फेडरेशनआ भारतनि बारग' कच आरो मुंदांखा डाच कच अल्टमेन्सजों बिबाननि थाखाय सावरायज्जायदों। माखासे जेनाजों मोगा-मोगि जाबोनांनय



पाकिस्तान हकी फेडरेशनआ आथिखालाव मोननै इडनितआव गावनानै दड। जेराव पिपिएसएफआ मालएसिया आरो

पलेण्डआव मे-जुनआव जानो गोनां आजलान काप आरो नेसन्स कापनि थाखाय पाकिस्तानि हान्जानि कच सायख'नायनि सायाव हेंथा खालामदों। पिपिएसएफनि नेहाथारि राना मुजाहिदआ अल्टमेन्सजों बिबाननि थाखाय सोमोन्दो लाखिनायखौ फोरमायो। नाथाय फेडरेशनआ एफआइएसनिफ्राय बेबादि थांथियाव माखासे जेना मोन्नो हागौ। अलिम्पियान कालिमुल्ला, वाशिम फिज्ज, नासिर आली आरो हानिफ खानजों हुसेनआ प्रेस कन्फरेंसनि समाव कचखौ लानानै माखासे गोनांथार बाश्रा बुंदों। मख'नो गोनांदि, अल्टमेन्सआ 2013 आव भारतीय हकीनि हाइ

पार्फरमेन्सनि दिथागिरि बिबानआव दडमोन आरो भारतीय हकी हान्जानि गोजू फार्से आवगायनायाव गोनांथार बिफाव लाबोदों। बिथाडा 2015 आव भारतीय हौवा हान्जाफोरनि गाहाइ कच जादोंब्लाबो माखासे जाहोननि थाखाय 2017 आव बिबाननिफ्राय बोख्लायजादों। पिपिएसएफनि नेहाथारि आरो बारग' अलिम्पियानआ फोरमायनाय बादिब्ला, गाहाइ मन्थ्रिनिफ्राय सुबुरुन मोनोब्ला एफआइएस नेसनेल फेडरेशनखौ फिन बेन फोसावनो हागौ। अल्टमेन्सआ 2004 आव पाकिस्ताननि सिनियर आरो जुनियर हान्जाजों कच बिबानआव दडमोन आरो थानाय माखासे सान सिगांसो जुनियर हान्जाजों सोमोन्दोआव फेदों।

बक्सर बिजेन्डर सिंहआ राजखान्थियाव मुखुब जानानै दड

गोदान दिल्ली, 4 एप्रिल: बक्सिनि फोथारआव भारतनि गिबि अलिम्पिक मेडेल देरहानाय आरो कंग्रेसनि दैदेनगिरि बिजेन्डर सिंहआ बिजेपि दोलोआव जइन्ट जाबाय। बिथाडा 2019 नि लकसभा बिसायख'थियाव कंग्रेसनि बिजाथि महैर खोला दिल्ली खुंथाय ओन्सोलनिफ्राय बिजाथि गसदोंमोन। नाथाय बिसायख'थियाव देरहानो हायाखैमोन। बिथांनि मुडा थानाय माखासे साननिफ्रायनो मथुरानिफ्राय दोलोनि बिजाथि जागोननि थाखाय खौराडाव जायगा मोन्दोंमोन। जेराव मुंदांखा फावखुंफि आरो सोलिफु एमपि हेमा मालिनीआबो फिन बिसायख'थियाव बिजाथि गसगोन। बिजेन्डरआ जाट माहारिनिफ्राय राजखान्थिनि फोथारआव ऑखारनाय। जाउनाव हारियाना, खोला उत्तर प्रदेश आरो राजस्तानआव गोबां बिबाडाव मदद मोनो हायो। मख'नो गोनांदि, फेगौ 19 एप्रिलनिफ्राय मोन 7 खोलोबनि लकसभा बिसायख'थिआ जागायगोन। जेराव भटनि फिथाइ सान्नाया 4 जुनखालि



जागोन। बिजेन्डरआ 2009 आव राजिब गान्धी खेल रत्न बान्था देरहादोंमोन। बेनि बोसोरसे सिगां थामहिनबा 2008 बेइजिं अलिम्पिकआव बिथाडा मेडेल देरहानानै जासिमिन सोरजिदोंमोन। मानोना बे गेम्सआव बिथाडा मेडेल देरहानाय गिबि भारतीय बक्सर जानो हादोंमोन। बेनि अनगायै